

# „ქალთა ორგანიზაციის შექმნამ ხელი უნდა შეუწყოს ქალების ჩართულობას თვითმმართველობაში“



„ქართული ოცნების“ თავმჯდომარე ირაკლი კობახიძე, საპარლამენტო უმრავლესობის წევრებთან ერთად ოზურგეთში, პარტიის გურიის რეგიონის ადგილობრივი ორგანიზაციების წევრ ქალებს შეხვდა.

ირაკლი კობახიძემ ისაუბრა საქართველოში ქალთა ორგანიზაციის შექმნის თაობაზე და თქვა, რომ მისი დაფუძნება 2016 წლიდან განიხილებოდა. თუმცა, პროცესები შეფერხდა იმის გამოც, რომ ხშირად იმართებოდა არჩევნები, რომელთა შორის, მისივე თქმით, განსაკუთრებით მნიშვნელოვანი იყო ადგილობრივი თვითმმართველობის არჩევნებში გამარჯვება..

ცესები შეფერხდა იმის გამოც, რომ ხშირად იმართებოდა არჩევნები, რომელთა შორის, მისივე თქმით, განსაკუთრებით მნიშვნელოვანი იყო ადგილობრივი თვითმმართველობის არჩევნებში გამარჯვება..

– პარლამენტში და ადგილობრივი თვითმმართველობაში გენდერული ბალანსის ზრდა, გენდერული კვლავების შემოღება ბატონ ბიძინა ივანიშვილის ინიციატივა იყო, თუმცა 3 წლის წინ ეს საკითხი განხილვისას ჩაკეტილი იყო. შემდეგ მხარდაჭერა მივიღეთ და პარლამენტში მნიშვნელოვნად გაიზარდა ქალი წევრების რაოდენობა, ხოლო ადგილობრივი თვითმმართველობებში 2,5-ჯერ.

ქალთა ორგანიზაციის შექმნამ ხელი უნდა შეუწყოს ხარისხობრივად გაიზარდოს ქალების ჩართულობა თვითმმართველობაში, მათ პროფესიულ განვითარებას, წინსვლას, კომუნიკაციებს სხვა რეგიონების წარმომადგენლებთან.

წინა არჩევნებზე 64

თვითმმართველი ერთეულიდან მხოლოდ 3 ქალი წარვადგინეთ მერის პოზიციაზე. საკრებულოებში კვლავი დაგაკმაყოფილები.

გვერდები ამბიციური გვაქვს და ერთ თვეში უნდა ჩავატაროთ ეროვნული ყრილობა, სადაც აირჩევა ქალთა საბჭო და რეგიონული წარმომადგენლები. შემდეგ კი ადგილობრივ დონეზე გაიმართება კონფერენციები.

ჩვენ ვთხოვეთ დეპუტატ ნინო წილოსანს ჩადგომოდა ამ საქმეს სათავეში. ვთანამშრომლობთ საერთაშორისო პარტნიორ ორგანიზაციებთან – განაცხადა ირაკლი კობახიძემ.

– ქალთა ორგანიზაცია „ქართული ოცნების“ მხარდაჭერ ქალბატონების გაძლიერებისა და მათი პროცესებში ჩაბმისთვის გასაქმდა

ურებლად იბრძობებს, რაც განსაკუთრებულად ამოქმედება 2024 წლის არჩევნების მოსაგებად – ითქვა შეხვედრაზე.

შეხვედრას ესწრებოდნენ საპარლამენტო უმრავლესობის წევრები ნინო წილოსანი, მარია ბოჭორიშვილი, რიმა ბერაძე, მანა მენაღარიშვილი, ქეთი ლუმაბაძე, ბაია კვიციანი, ეკა სეფაშვილი, ვასილ ჩიგოვიძე, სახელმწიფო რწმუნებული გურიის მხარეში გიორგი ურუშაძე, ოზურგეთის მერი ავთანდილ თალაკვაძე, საკრებულოს თავმჯდომარე დავით დარჩია, ლანჩხუთის მერი ალექსანდრე სარიშვილი, საკრებულოს თავმჯდომარე ბესიკ ტაბიძე, ჩონატაურის მერი დავით შარაშიძე.



# ქ ა ლ ი ო რ ნ ი

გურიის

უძველესი გაზეთი უახლესი ინფორმაციებით!

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი    გ ა ზ ე თ ი .

ზოგადი ინფორმაციები: № 4 (10416) 24 თებერვალი, 2022 წ.    შპს-ი 60 თეთრი.

## სოფელ ლესაში ხიდის მშენებლობა დასრულდა



სოფელ ლესაში ხიდის მშენებლობა დასრულდა. სამუშაოები ინტენსიურად მიმდინარეობდა. რეაბილიტირებული ხიდი ლანჩხუთის მუნიციპალიტეტის მერმა, ალექსანდრე სარიშვილმა საკრებულოს თავმჯდომარე, ბესიკ ტაბიძესთან ერთად დაათვალიერა.

აღნიშნული ხიდი სტიქიის შედეგად დაზიანდა და მისი რეაბილიტაცია ადგილობრივი ბიუჯეტიდან დაფინანსდა.

## აჭარაში, გურიაში, სამეგრელოში და იმერეთში ბავშვების 16 პროცენტის სისხლში ტყვიის შემცველობა მაღალია



გვ-2

## ვის უღმვს „თათი“ ექაღიელთა მიწის ნაკვეთებზე

**ალიონი.** ქ. ოზურგეთის, ექაღიის უბნის მცხოვრებლები ორ ათეულ წელზე მეტია, აქტიურად იბრძვიან მათ სარგებლობაში არსებული მიწის ნაკვეთების საკუთრებაში გადასაცემად, თუმცა გარკვეული ბარიერების გამო, ეს დღემდე არ მოხერხდა.

ნაციონალურ ხელისუფლებაში ყოფნის დროს, ექაღიელთა 3,7 ჰექტარი მიწის ნაკვეთი გაუყიდა. ეკონომიკის იმჟამინდელი მინისტრის 2011 წლის 1 ოქტომბრის ბრძანებით იგი საქართველოს პროკურატურის ერთ-ერთმა პროკურორმა შ. ს-მ შეიძინა, მაგრამ იმდენად დიდი იყო მოსახლეობის პროტესტი, თანაც რამდენიმე თვეში მათთვის საბედისწერო 2012 წლის 1 ოქტომბრის არჩევნები უნდა გამართულიყო, რომ ნაციონალურმა შ. ს-ს აღნიშნული მიწის ნაკვეთი სახელმწიფოსთვის დააბრუნებინეს.

ამის შესახებ იწერებოდა პრესაში, (გაზეთები „გურია ნიუსი“, „ალიონი“), იყო საპარლამენტო შეხვედრა ხელისუფლების ძველ და ახალ წარმომადგენლებთან, მაგრამ ექაღიელებს ვერ-ჯერობით მხოლოდ დაპირებებით კვებავენ.

– ნახევარ საუკუნეზე მეტია მიწის ნაკვეთი, რომელზეც ჩემს ოჯახს(ასევე მეზობლებს თავიანთ ნაკვეთებზე) სიმინდის მოსავალი

მოჰყავდა, სახელმწიფო ბელელში აბარებდა ვალდებულებების თანახმად და საკუთრივ სარჩოდ ღებულობდა კოლმეურნეობისაგან – არ გვიფორმდება საკუთრებაში, ბიუროკრატიული დაბრკოლებების გამო. ამ მიწის 20-ზე მეტი მფლობელებიდან რამდენიმე სოციალურად დაუცველია და აქ მოწვეული სიმინდი, ლობიო არის ოჯახის მთავარი სარჩო. იქნებ ამჟამინდელმა ხელისუფლებამ გამოიჩინოს კეთილი ნება და ყველა ოჯახს დაუკანონოს მიწის ნაკვეთები – ასე დაიწყო ჩვენიან საუბარი ქ. ოზურგეთის, ექაღიის უბნის მცხოვრებელმა ავთანდილ ჯინჭარაძემ და თან კოლმეურნის წიგნაკი გვაჩვენა, რომ იგი 1979 წლის აგვისტოდან კოლმეურნეობის წევრი იყო.

ამ თემის მოკლე ისტორია ასეთი გახლავთ: ექაღიაზე 1930 წლიდან არსებობდა კოლმეურნეობა და იქ მცხოვრებთა უმეტესობა საკოლმეურნეო კომლის კატეგორიას განეკუთვნებოდა. ასე იყო 1993 წლის მარტამდე, ვიდრე კოლმეურნეობები საერთოდ არ გააუქმეს. ექაღიის კოლმეურნეობას ათეულობით ჰექტარი მიწის ნაკვეთები ჰქონდა მერიის, ნატანების ლეკიანის მიდამოებში, რომლებიც ექაღიელ კოლმეურნეებზე იყო გაპრობონებული. ნატანებისა და ლეკიანის ტერიტორიაზე არსებული მიწის ნაკვეთები ზღვიდან 3-კილომეტრიან ზოლში მოხვ-



და და ამოიღეს პრივატიზაციის ნუსხიდან. თუმცა, რამდენიმე თვის შემდეგ ეს შეზღუდვა გაუქმდა, მაგრამ ეს ახალი კანონი მოსახლეობას დაუმალეს და ეს მიწები თავიანთი შეხედულების მიხედვით გაასხვისეს. ამ ფაქტორმა განაპირობა ის, რომ ექაღიელმა კოლმეურნეებმა და სხვა კატეგორიებმა სათანადოდ ვერ ისარგებლეს პრივატიზაციით.

ასეთ მდგომარეობაში აღმოჩნდა ქ. ოზურგეთში, ექაღიის უბანში (ოზურგეთის გამგეობამ 2004 წელს ეს მიწა სოფელ ლესაურს გადასცა) 22 ოჯახის სარგებლობაში მყოფი 3,7 ჰექტარი სასოფლო-სამეურნეო სავარგული, სადაც სიმინდი მოჰყავდათ და ოჯახებს არჩენდნენ.

2008 წელს მიღებული იქნა კანონი ლეგალიზაციის შესახებ, და ხალხს მიეცა შანსი ამ მიწების დასაკა-

ნონებლად. მათ 2008 წლის 4 აპრილს დააფუძნეს ამხანაგობა „ექაღია 2“, რათა სურდათ „სახელმწიფო ქონების ლეგალიზაციის შესახებ“ საქართველოს კანონის თანახმად დაეკანონებიათ კონკრეტული მიწის ფართობი. მათ მოიწვიეს ლეგალიზაციის კომისიის წევრები, სპეციალისტები, აზომვითი ნახაზებისა და საკლასტრო რუქის ელექტრონული ვერსიის მოსამზადებლად, გადაიხადეს სათანადო საფასური...

**მერაბ ჩიჩუა:** – ჩვენი ოჯახი 1959 წლიდან ფლობდა აქ მიწას. 2007 წელს გვითხრეს, რომ ჩვენს საყვანე ფართობში დადიოდნენ ვილაცაები, ათვალიერებდნენ და ასურათებდნენ. დავინტერესდით და ოზურგეთის რაიონის გამგეობაში გვითხრეს, ამ მიწაზე ორი აუქციონი უკვე

გვ-3

### გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
  - მე-3-7 (თითოეული 810 კვ.სმ) მთლიანი გვერდებისა - 150-150 ლარი;
  - 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
  - ბოლო, მე-8, ფერადი გვერდი მთლიანად 300 ლარი ღირს;
  - შიდა შავთეთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
  - პოლიტიკური რეკლამის ღირებულება ორმაგია;
  - მილოცვა ფერად გვერდზე 32,40 კვ. მ-ზე, სურათით - 25 ლარი;
  - სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
  - გახსენება, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;
- საჯალო ფასი: 60 თეთრი,  
ხელმოწერა:  
ერთი თვით - 2,40 ლარი,  
სამი თვით - 7,20 ლარი,  
6 თვით -14,40 ლარი,  
ერთი წლით - 29,60 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიონანაწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

**სარეკლამო კომპანია**  
რედაქტორი  
**ნუგზარ ასათიანი**  
nugzarasatiani15@gmail.com  
558 499100  
საინფორმაციო სამსახურის ხელმძღვანელი:  
**თემურ მარშანიშვილი**  
tem52@mail.ru  
599 373515  
კომპიუტერული უზრუნველყოფა  
**გიორგი გოგოლაძე**  
gia\_77@mail.ru  
551 576060  
რედაქციის მისამართი: ქ. ოზურგეთი, გაბრიელ ეპისკოპოსის ქ.№3  
ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311  
გაზეთი იბეჭდება გამოცემლობა „მერიდიანში“  
მის: თბილისი, ვ. ბაგრატიონის ქ. №77

დაიწყეთ ყოველი  
მიზნობრივი აქცია  
«ალიონით»

## ოზურგეთის მერი მერიასა და მის სამსახურებში ორგანიზაციულ რეფორმას აანონსებს



**ალიონი.** 16 თებერვალს, ოზურგეთის მუნიციპალიტეტის მერიის მორიგი სხდომა გაიმართა. ოზურგეთის მუნიციპალიტეტის მერმა ავთანდილ თალაკვაძემ სხდომაზე 12 ახალი პროექტი წარადგინა. მათ შორის: ქ. ოზურგეთში, კოსტავას ქუჩის სრული რეაბილიტაცია, გზის საფარის, კომუნიკაციების და თანამედროვე განათების მოწყობით; ასევე მოხდება ჭავჭავაძის ქუჩის რეაბილიტაცია; ფონდ „ქართუს“ მიერ აღდგენილი ოზურგეთის სახელმწიფო თეატრის წინა მოედნის სრული განახლება.

მერმა თავის გამოსვლაში ასევე თქვა მუნიციპალური სკვერების და პარკების რეაბილიტაციის შესახებ. მათ შორის: „ჭადრების ბაღის“, ექაღის ტყე-პარკის მოწყობა; ითანე პეტრიწის ქუჩაზე არსებული პარკის რეაბილიტაციის დასრულება,

ნინოშვილისა და ჟორჯოლიანის ქუჩების კვეთაში სკვერის მოწყობა; დაბა ურეკში ზღვისპირა ბულვარის განახლება და წყლის სისტემის მოწყობის დასრულება; მალაზონიას ქუჩაზე გაკეთდება თანამედროვე სტანდარტების ჩოგბურთის კორტები, რომელიც სარეკრეაციო და გამაჯანსაღებელ ინფრასტრუქტურას მოიცავს და სადაც მნიშვნელოვანი ტურნირების გამართვა იქნება შესაძლებელი. აშენდება ნაპირსამაგრი ნაგებობები სოფელ წითელმთაში და სოფელ ნავომარში. სოფელ სილაურში აიგება ახალი ხიდი, რაზედაც 450 ათასი ლარი იქნება გამოყოფილი. სოფელ ლიხაურში მდინარე აჭისწყალზე განახლება ლიხაურის ცენტრსა და ოქროსმუხუროს შორის დამაკავშირებელი საფენმაგლო ხიდი. ავთანდილ თალაკვაძემ განაცხადა, რომ სიმართლეს არ შეესაბამება ეჭვი იმის შესახებ, რომ არ მოხდება ლიხაური-ოქროსმუხურო-მაკვან-

ეთის გზის რეაბილიტაცია. იგი მოხდება ამ უბანში წყლის სისტემის მშენებლობის დასრულების შემდეგ. სიახლეა ნარჩენების მართვის კუთხითაც. ოზურგეთის მუნიციპალიტეტს გადაეცემა 6 ერთეული ახალი ტექნიკა და 300 ვცალი ნაგვის ახალი კონტეინერი, რაც გაზრდის მომსახურების არეალს. მერმა განაცხადა, რომ ნასაკირალის წყალმომარაგების პროექტის განხორციელებას არსებული დარღვევების გამო კონტრაქტი შეუწყდა მშენებელ კომპანიას. მერმა ისაუბრა სახელმწიფო აუდიტის დასკვნაზე, რომელიც ოზურგეთის მუნიციპალიტეტის მერიის 2019-2020 წლების საქმიანობას ეხება. მერიის თქმით, აუდიტის დასკვნაში სერიოზული დარღვევები და გადაცდომები დაფიქსირებული, მერიის მოადგილეებს აუდიტის დასკვნაში მოცემული რეკომენდაციების შესრულება დაავალა და მერიასა და მის სამსახურებში ორგანიზაციული რეფორმა დააანონსა.

### დავით შარაშიძე ადმინისტრაციულ ერთეულებში მერის წარმომადგენლებს უხვდა



ჩოხატაურის მუნიციპალიტეტის მერი, **დავით შარაშიძე**, მოადგილეებთან, მაია კუტუბიძესთან და მინდია ჟღერასთან ერთად, ადმინისტრაციულ ერთეულებში მერის წარმომადგენლებს შეხვდა. შეხვედრაზე განიხილეს სოფლებში 2022 წელს დაგეგმილი პროექტები, რომლებიც რეგიონული

განვითარებისა და ინფრასტრუქტურის სამინისტროს რეგიონებში განსახორციელებელი პროექტების ფონდიდან უნდა დაფინანსდეს. ასევე, მსჯელობის საგანი იყო სოფლის დახმარების პროგრამით დასაფინანსებელი პრიორიტეტების გამოკვეთა, მოქალაქეებთან აქტიური კომუნიკაციის შედეგად.

### ნასაკირალის 8,5 კმ-იანი მონაკვეთის გზის სარეაბილიტაციო სამუშაოები აქტიურად მიმდინარეობს

გურიაში სახელმწიფო რწმუნებულმა **გიორგი ურუშაძემ** ოზურგეთში, ნასაკირალის 8,5 კმ-იანი მონაკვეთის გზის რეაბილიტაციის სამუშაოები დაათვალიერა. „აქტიურად გრძელდება შიდასახელმწიფოებრივი მნიშვნელობის საჯავახო-ჩოხატაური-ოზურგეთის გზის ასფ-

ალტობეტონით მოწყობის სამუშაოები. პროექტს ახორციელებს საქართველოს საავტომობილო გზების დეპარტამენტი მსოფლიო ბანკის ფინანსური მხარდაჭერით, პროექტი დასრულდება 2022 წლის მაისის ბოლოს“, - აღნიშნა გიორგი ურუშაძემ.



### აჭარაში, გურიაში, სამეგრელოსა და იმერეთში ბავშვების 16 პროცენტის სისხლში ტყვიის შემცველობა მაღალია


ისრაელის მეცნიერთა დელეგაცია დახმარებას გაუწევს სსიპ ლ.საყვარელიძის სახ. დაავადებათა კონტროლის და საზოგადოებრივი ჯანმრთელობის ეროვნულ ცენტრს სისხლში ტყვიის განსაზღვრის საერთაშორისო სტანდარტების, მეთოდების დანერგვასა და ტყვიით დაბინძურების წყაროების განსაზღვრაში. ისრაელი აღიარებულია, როგორც მსოფლიო ლიდერი წყლის რესურსების მართვასთან დაკავშირებულ ტექნოლოგიებში, კვლევებსა, თუ ინოვაციებში. საქართველოში 2018 წელს მრავალინდიკატორული კლასტერული კვლევის (MICS) ფარგლებში განხორციელდა ტყვიის კომპონენტის კვლევა. კვლევის შედეგების მიხედვით, საქართველოში ბავშვების 41% აქვს 5მკგ/დლ (მიკროგრამი

დეცილიტრზე უფრო მაღალი), 25%-ის სისხლში ტყვიის შემცველობა მერყეობს 5-10 მკგ/დლ (მიკროგრამი დეცილიტრზე) ფარგლებში, რაც მიუთითებს მსუბუქ მატებაზე, ხოლო ბავშვების 16%-ის სისხლში ტყვიის შემცველობა ტოლია ან აღემატება 10 მკგ/დლ-ს. განსაკუთრებით მაღალია მაჩვენებლები აჭარაში, გურიაში, სამეგრელოსა და იმერეთში. ისრაელის მთავრობამ საქართველოს ხელისუფლებას შესთავაზა დახმარება, რათა დადგინოს მიძიმებული მდგომარეობის მიზეზები, მ.შ. ტყვიით დაბინძურების წყაროების შესწავლა, მ.შ. ზედაპირულ წყლებში. ამ მიზნით, ისრაელის საელჩო და MASHAV-ი (ისრაელის საერთაშორისო განვითარების თანამშრომლობის სააგენტო), საქართველოს დაავადებათა კონტროლის ეროვნულ

ცენტრთან (NCDC) და UNICEF-ის საქართველოს ოფისთან თანამშრომლობით, 4 წამყვანი ექსპერტის მისიას უხელმძღვანელებენ, რომლებიც თბილისში 13 თებერვალს ჩამოვიდნენ. ისრაელიდან დელეგაცია ხელს შეუწყობს საქართველოში ადამიანის ჯანმრთელობისათვის უსაფრთხო გარემოს უზრუნველყოფის მიზნით ღონისძიებების დაგეგმვას და შესაბამისი ქიმიურ რისკ ფაქტორთა ლაბორატორიის ტექნიკურ განახლებას, გადაამზადებს ადგილობრივ გუნდს აღნიშნული ლაბორატორიების სრული პოტენციალის გამოსაყენებლად. ასევე, ექსპერტები გაემგზავრებიან დასავლეთ საქართველოში და 3 სხვადასხვა რეგიონიდან აიღებენ ნიადაგისა და წყლის ნიმუშებს, რომლებსაც შემდგომი ანალიზისთვის ისრაელში გაიგზავნება,

შესაბამისი კვლევები პარალელურად ჩატარდება ეროვნული ცენტრის ქიმიურ რისკ ფაქტორთა კვლევის ლაბორატორიაში. გატარებული ღონისძიებებისა და კვლევების შედეგების გაანალიზების საფუძველზე დაიგეგმება სამომავლო აქტივობები და შეიქმნება ეროვნული სტრატეგია პრობლემების აღმოფხვრის, საქართველოს მოსახლეობის ჯანმრთელობის მდგომარეობის გაუმჯობესებისა და ლაბორატორიული სიმძლავრეების გასაუმჯობესებლად. ისრაელის საელჩო და MASHAV მადლობას უხდის სსიპ ლ.საყვარელიძის სახ. დაავადებათა კონტროლის ეროვნულ ცენტრსა (NCDC) და UNICEF-ს ფასდაუდებელი პარტნიორობისა და მხარდაჭერისთვის.

# ვის უღევს „თათი“ ექაღიელთა მიწის ნაკვეთებზე



გაიმართა და მესამეზე გადასო. ჩვენ მიწის ლეგალიზაციის კანონი მოვიშველიეთ, შევქენით კოპერატივი „ექაღია 2“, 22 ოჯახმა დაწერა განცხადება და ლეგალიზაციის

კომისიას კვლავ მივმართეთ. კვლავ გვითხრეს, რომ ერთ პიროვნებას უნდა ეს მიწის ნაკვეთი და ვერ მოვცემთო. ვუთხარით, კანონით გვეკუთვნოდა და არ დავთმობდით.

არ მოგვანბმარეს კანონი, ისე მოაწვევს საქმე, რომ არ გაიტანეს კომისიაზე. შემდეგ ლეგალიზაციის კომისიის საქმიანობით პროკურატურა დაინტერესდა და ლეგალიზაციის პროცესი შეჩერდა. 2011 წლის ბოლოს „დაინტერესებული“ პიროვნება გამ-ოჩნდა და იგი საქართველოს პროკურატურის ერთ-ერთი პროკურორი აღმოჩნდა. ჩვენი პროტესტის შემდეგ ეს მიწა სახელმწიფოს დაუბრუნდა. ვერ საქართველოს პრეზიდენტის ადმინისტრაციას, „ქართული ოცნების“ ხელი-სუფლებებში მოსვლის შემდეგ კოლექტიური წერილებით მივმართეთ ეკონომიკის სამინისტროს, პრემიერ მინისტრებს გიორგი კვიციანიშვილს, გიორგი გახარაძეს, საქართველოს პარლამენტის მაჟორიტარ დეპუტატს არჩილ თალაკვაძეს. გვინდოდა ჩვენც ჩავრთულიყავით სახელმწიფო პროგრამებში, მოგვეწყო სასათბურე მურ-

ნობა, პარტნიორები ყოფილიყვნენ ჩვენი სოციალურად დაუცველი მეზობლები... მაგრამ კვლავ ბიუროკრატიული პასუხებს ვღებულობთ – გვითხრა ჩინუამ. 2020 წლის 20 ნოემბერს, ექაღიელებმა მიწის ნაკვეთებზე უფლებათა სპორადული რეგისტრაციისათვის განცხადებები შეიტანეს საჯარო რეესტრის ეროვნულ სააგენტოში საკადასტრო აზოვით ნახაზებთან ერთად. ოზურგეთის მუნიციპალიტეტის მერიაში, ეკონომიკური განვითარებისა და ქონების მართვის სამსახურში ექაღიელების მონაწილეობით განხილული იქნა ეს განცხადებები, ექაღიელებმა სხვა საბუთებთან ერთად ნოტარიულად, მოწმეების საფუძველზე დადასტურებული ცნობებიც წარადგინეს, რომ ისინი ფლობდნენ აღნიშნულ მიწის ფართობებს. იყო გარკვეული შეპირებები ამ საკითხის მოსაგვარე-

ბლად. თვეების მანძილზე ოზურგეთის მუნიციპალიტეტის მერიის ქალაქის წარმომადგენლობაში არწმუნებდნენ ექაღიელებს, რომ სწავლობდნენ ამ საკითხს და დასკვნას მერიის იურიდიული სამსახურიდან ელოდებოდნენ. ძალიან გაგრძელდა ამ დასკვნის მომზადება... შემდეგ ექაღიელებმა იუსტიციის სახლიდან უარყოფითი მესიჯები მიიღეს. ექაღიელებმა 16-17 თებერვალს მათ სარგებლობაში არსებული მიწის ნაკვეთებზე უფლებათა სპორადული რეგისტრაციის მოთხოვნით კვლავ მიმართეს საჯარო რეესტრის ეროვნულ სააგენტოს. – 10-12 წლის წინ ვის ჰქონდა „თათი“ დადებული ჩვენს მიწებზე გავეყუთ, იმედია სხვებაც გამოჩნდებიან. ჩვენ ჩვენს ფართობებს არ დავთმობთ. ვიბრძობებთ ბოლომდე – აცხადებენ ისინი.

## „ბახვი 1 ჰიდროელექტროსადგურის“ პროექტის გარემოზე ზემოქმედების შეფასების ანგარიშის საჯარო განხილვა მთისპირსა და ჩხაკურაში ჩატარდა



მდინარე ბახვისწყალზე, ბუნებრივ ჩამონადენზე მომუშავე დაგეგმილი „ბახვი 1 ჰიდროელექტროსადგურის“ მშენებლობისა და ექსპლუატაციის პროექტის გარემოზე ზემოქმედების შეფასების ანგარიშის

საჯარო განხილვა 2022 წლის 11 თებერვალს ოზურგეთის მუნიციპალიტეტის სოფელ მთისპირის და ასევე, ჩოხატაურის მუნიციპალიტეტის სოფელ ჩხაკურას ადმინისტრაციულ შენობებში გაიმართა.

განხილვას ესწრებოდნენ ადგილობრივი თვითმმართველობის წარმომადგენლები, საჯარო სკოლისა და ბაღის ხელმძღვანელები და პედაგოგები და მთისპირის თემის თხივე სოფლის (მთისპირი, ოქროსქედი, ვანისქედი, უკანავა) და სოფელ ჩხაკურას მოსახლეობა. ჩხაკურაში მიმდინარე განხილვას, ჩოხატაურის მუნიციპალიტეტის მერი, ბატონი დავით შარაშიძეც ესწრებოდა. „ბახვი 1 ჰიდროელექტროსადგურის“ პროექტი სამინისტროს წარმომადგენელმა წარადგინა, რის შემდეგაც სიტყვით განმარტებული კომპანიის „სი-სი-ი-ეიჩ ჰაიდრო VI“-ის დირექტორი, მიხეილ ნიბლაძე გამოვიდა. პროექტის ტექნიკურმა მენეჯერმა გიგლა სიხარულიძემ, პროექტის ტექნიკური პარამეტრების შესახებ ისაუბრა; განხორციელებული კვლევები, გარემოსდაცვითი საკითხები და

სოციალური პროგრამა კი, პროექტის გარემოსდაცვითი და სოციალური საკითხების მენეჯერმა, დავით მიქელაძემ მიმოიხილა. მთისპირსა და ჩხაკურაში გამართულ საჯარო განხილვებმა კითხვა - პასუხის რეჟიმში ჩაიარა, აღსანიშნავია ის ფაქტიც, რომ დაფიქსირდა ადგილობრივი მოსახლეობის დიდი ინტერესი, რაც დამსწრეთა სიმრავლეში გამოიხატებოდა. დამსწრე საზოგადოებას აინტერესებდა კომპანიის გეგმები როგორც გარემოს დაცვით საკითხებთან დაკავშირებით, ასევე დიდი ინტერესი გამოიწვია სოციალურმა პროგრამამ და მის განხორციელებასთან დაკავშირებულმა საკითხებმა. აღინიშნა, რომ სამუშაოები, რომელიც კომპანიამ გასწია გზშ-ს მოსამზადებელ პერიოდში, ფასდაუდებელია. ასევე, ხაზი გაესვა იმ ფაქტს, რომ შემუშავებული სოციალური პრო-

გრამა პასუხობს სწორედ იმ საჭიროებებს და გამოწვევებს, რომელიც რეალურად არსებობს პროექტის მიმდებარედ არსებულ სოფლებში. ორივე სოფლის მოსახლეობამ მხარდაჭერა გამოუცხადა პროექტს. „გარემოსდაცვითი შეფასების კოდექსის“ თანახმად, გარემოსდაცვითი გადაწყვეტილების მიმღებ უფლებამოსილ ორგანოს წარმომადგენს საქართველოს გარემოს დაცვისა და სოფლის მეურნეობის სამინისტროს. „ბახვი 1 ჰიდროელექტროსადგურის“ გზშ-ს ანგარიში საქართველოს გარემოს დაცვისა და სოფლის მეურნეობის სამინისტროს ჩაბარდა 2021 წლის 20 დეკემბერს და სამინისტროს ოფიციალური გვერდზე გასაჯაროვდა 2021 წლის 23 დეკემბერს.

**საგრანტო კონკურსი**

საპროგრამო განვითარების - გზშ-სა

„ინოვაციების და ცვლილებების ინსტიტუტი“ (ყოფილი გურიის ახალგაზრდული რესურსცენტრი), საქართველოში გაეროს განვითარების პროგრამის (UNDP) „პროფესიული განათლების სისტემის მოდერნიზება საქართველოს სოფლის მეურნეობაში“ (UNDP/SDC VET) პროექტის ხელშეწყობით, აცხადებს ინოვაციების მხარდაჭერის საგრანტო პროგრამას (სამიზნე რეგიონი - გურია). პროგრამა ითვალისწინებს ნოვატორული იდეების, სასოფლო-სამეურნეო სფეროში არსებული პრაქტიკის გაუმჯობესებისკენ მიმართული საპროექტო განაცხადების მიღება/მხარდაჭერას. საპროექტო იდეები გათვლილი უნდა იყოს სათემო, მუნიციპალურ და რეგიონულ დონეზე სოფლის მეურნეობის სფეროში ახალი ტექნოლოგიების, კულტურულ-მეცნიერული თუ ტრადიციულ მეთოდოლოგიებში იმგვარი სიასლის შემოტანის მიმართულებით, რომელიც ხელს შეუწყობს დამატებითი შემოსავლის მიღების პერსპექტივების

გარენას, მოსავლის მოცულობის ზრდას, ადგილობრივ საჭიროებებზე მორგებული ეფექტური, ტექნიკური, კულტურული ნოვაციების შექმნას და დანერგვას.

მნიშვნელოვანია გაითვალისწინოთ, რომ გრანტი (მაქსიმუმ 5, 000 ლარი) არ გადმოეცემათ ფულადი სახით, არამედ გრანტის გამცემი ორგანიზაცია ყიდულობს თქვენს მიერ მოთხოვნილ პროექტს, ტექნოლოგიას ან სერვისს). აგრეთვე, ინოვაციური იდეათა კონკურსში გამარჯვების შემთხვევაში, გრანტი ითვალისწინებს განმცხადებლის მხრიდან თანამონაწილეობას (პროექტის საერთო ღირებულების 20%, აქედან 5% ნაღდი ფულით).

კონკურსში მონაწილეობის მიღება შეუძლიათ ფიზიკურ და იურიდიულ პირებს.

საგრანტო კონკურსის III ეტაპზე განაცხადები მიიღება 2022 წლის 25 თებერვლის ჩათვლით. სააპლიკაციო ფორმის სააპლიკაციო ფარმები იხილეთ ვებსაიტზე ან დაგვიკავშირდით ნომერზე.

დაინტერესებულმა პირებმა განაცხადის შევსებული ფორმა უნდა გამოგზავნონ შემდეგ მისამართზე: [ici.info.02@gmail.com](mailto:ici.info.02@gmail.com), subject-ში მითითეთ გრანტს.

დამატებითი კითხვების არსებობის შემთხვევაში დაგვიკავშირდით: 599981898

**საცალფეხო ხიდის რეკონსტრუქციის აქტიურად მიმდინარეობს**

გვიმბრალაური-ჯუნეწრის დამაკავშირებელი საცალფეხო ხიდის მშენებლობა აქტიურად მიმდინარეობს. სამუშაოები დღეს ლანჩხუთის მუნიციპალიტეტის მერმა, ალექსანდრე სარიშვილმა ზედამხედველობის სამსახურის ხელმძღვანელ, თენგიზ ხელაძესთან ერთად დაათვალიერა. აღნიშნული ხიდის მშენებლობა თვის ბოლომდე დასრულდება. მოეწყობა ლითონის მოავჯირი.

# ლევან ქუთათელაძე - 84

## ქართული მეცნიერების ერთ-ერთი ღირსეულ წარმომადგენელს 84 წელი შეუსრულდა

### ღვაწლმოსილი აღამიანი

ჩაის ინდუსტრიის ღვაწლმოსილ სპეციალისტს, ტექნოლოგიების დოქტორს, საქართველოს სახელმწიფო და მეცნიერებისა და ტექნიკის სახელმწიფო კომიტეტის პრემიების ლაურეატს, ბატონ ლევან ქუთათელაძეს მიმდინარე წლის 28 თებერვალს დაბადებიდან 84 წელი და სამეცნიერო მოღვაწეობის 55 წელი უსრულდება.

ლევან ქუთათელაძე დაიბადა 1938 წლის 28 თებერვალს ქ. თბილისში. 1945 - 1956 წლებში სწავლობდა ქუთაისის მე - 9 საშუალო სკოლაში, რომლის დამთავრების შემდეგ ჩაირიცხა და 1961 წელს წარჩინებით დაამთავრა საქართველოს სუბტროპიკული მეურნეობის ინსტიტუტის სოფლის მეურნეობის პროდუქტების ტექნოლოგიის ფაკულტეტი. იმავე წელს მუშაობა დაიწყო ანასეულში, ყოფილ ჩაის მრეწველობის საკავშირო სამეცნიერო-კვლევით ინსტიტუტში, სადაც მან განვლო სახელოვანი გზა ასპირანტიდან სამეცნიერო დარგში გენერალური დირექტორის მოადგილის თანამდებობამდე.

მნიშვნელოვანია ლევან ქუთათელაძის წვლილი ჩაის ინდუსტრიის განვითარებისა და ახალგაზრდა სპეციალისტების მომზადების საქმეში. განსაკუთრებით აღსანიშნავია მწვანე ჩაის ნაკადური წარმოების და კომ-

პლექსური ტექნოლოგიის შემუშავების მიმართულებით გაწეული ნაყოფიერი საქმიანობა, რომელთა ერთმა ნაწილმა ფართო აღიარება მოიპოვა. კერძოდ, საქართველოს მთავრობის 1982 წლის 23 თებერვლის 123 დადგენილებით ლევან ქუთათელაძეს, ავტორთა ჯგუფთან ერთად, ნაშრომზე - „ჩაის თხევადი კონცენტრატების და და გამამხმეველები სასმელების ტექნოლოგიის კვლევა, შემუშავება და სამრეწველო ათვისება“ საქართველოს სახელმწიფო პრემია მიენიჭა მეცნიერების ტექნიკის დარგში, ხოლო 1985 წლის 19 აპრილის საქართველოს მთავრობის 445 პ დადგენილებით, ასევე ავტორთა ჯგუფთან ერთად, ნაშრომისთვის „ბაიხის ჩაის გადამამუშავებელი მოწყობილობა“ - მეცნიერებისა და ტექნიკის სახელმწიფო კომიტეტის პირველი პრემია.

ლევან ქუთათელაძეს გამოქვეყნებული აქვს 100 -ზე მეტი სამეცნიერო ნაშრომი, მათ შორის, 2 მონოგრაფია და 40 - მდე გამოგონება და პატენტი.

უკუსურვებთ ბატონ ლევანს დღეგრძელობას, ჯანმრთელობას, ახალგაზრდულ შემართებას და ბედნიერებას ლამაზ ოჯახთან ერთად.

**მეგობრები და კოლეგები**

### მილოცვა

ჩაის მრეწველობის დარგის ამგვარ მეცნიერს, ტექნიკურ მეცნიერებათა დოქტორს, რესპუბლიკის დამსახურებულ ინჟინერს, საქართველოს სახელმწიფო პრემიების ლაურეატს, გამორჩეული ინტელექტისა და პირობული თვისებების მქონე ღირსეულ მამულიშვილს, დიდებულ მეგობარს, ბატონ

ლევან ქუთათელაძეს ვულოცავთ დაბადების ოთხმოცდასიოთხ წლისთ-ავს.

გულწრფელად ვუსურვებთ უღვე სიკეთეს, გონიერებით, ზნეობითა და სამართლიანობით გაბრწყინებულ საქართველოში, ჯანმრთელობას და ხანგრძლივ სიცოცხლეს მისთვის ახლობელ და ძირფას

ადამიანებთან ერთად.

უმრავლოს ჩვენ საზოგადოებას ბატონ ლევან ქუთათელაძის მსგავსი, ქვეყნის ჭირვარაზე დაფიქრებული, მოამაგე და მოჭირანასულე, გულკეთილი და გონებანათელი პატრიოტი ადამიანები.

**უახლოესი აღამიანები**



ჩაის მრეწველობის საკავშირო სამეცნიერო საწარმოო გაერთიანების სამეცნიერო საბჭოს სხდომა

### სასიქადლო მეცნიერი

სხვადასხვა თაობის მეცნიერ და პრაქტიკოს აღამიანთა თავდადებული შრომისა და მოღვაწეობის საფუძველზე ანასეულში მდებარე ჩაის მრეწველობის სამეცნიერო კვლევით ინსტიტუტში ჩამოყალიბდა როგორც მძლავრი სამეცნიერო ცენტრი. აღნიშნული ინსტიტუტის სამეცნიერო დარგს მრავალი წლის განმავლობაში ხელმძღვანელობდა თავისი ინტელექტით, კეთილშობილებითა და პატრიოტიზმით გამორჩეული პიროვნება ბატონი ლევან ქუთათელაძე. მან უაღრესად მნიშვნელოვანი წვლილი შეიტანა ქართული ჩაის მეცნიერების განვითარებაში.

ლევან ქუთათელაძის უშუალო ხელმძღვანელობით, რჩევა დარიგებითა და დახმარებით ბევრმა ახალგაზრდა სპეციალისტმა მიაღწია წარმატებას მეცნიერებაში. მიხედვით ინსტიტუტის წინაშე არსებული გამოწვევებისა, იგი ყოველთვის ახერხებდა პირად ინტერესებზე მაღლა დაეყენებინა ობიექტურობა და სამართლიანობა, ინსტიტუტისა და საზოგადოების წინაშე მდგარი აუცილებლობა.

ღვაწლმოსილი მეცნიერი დღესაც მწყობრშია და მზადაა თავისი ცოდნა და გამოცდილება უანგაროდ გაუზიაროს ჩვენი ქვეყნის წინსვლით დაინტერესებულ ნებისმიერ პიროვნებას.

უღვე სიკეთეს, ქართულ ტრადიციულ გარემოში ჯანმრთელ და წარმატებულ ცხოვრებას ვუსურვებთ ჩვენს უფროს მეგობარს ლევან ქუთათელაძეს და მის ბრწყინვალე ოჯახს.

**გიორგი მუხაშაშვილი**  
ინჟინერ-გამომგონებელი

### ქართული ჩაის მეცნიერების ამაგდარი

ლევან ქუთათელაძემ 1961 წელს წარჩინებით დაამთავრა საქართველოს სუბტროპიკული მეურნეობის ინსტიტუტის ტექნოლოგიური ფაკულტეტი და სახელმწიფო საგამოცდო კომისიის თავმჯდომარის დავით ფანცხავას მოთხოვნით სამუშაოდ განაწილებულ იქნა ჩაის მრეწველობის სამეცნიერო კვლევით ინსტიტუტში, სადაც იმუშავა ზუსტად ნახევარი საუკუნე, ანუ 2011 წლამდე.

სხვადასხვა დროს იგი იყო უმცროსი მეცნიერ მუშაკის მოვალეობის შემსრულებელი, უფროსი მეცნიერ მუშაკი, სტანდარტიზაციისა და ტექნოლოგიის განყოფილების გამგე, ინსტიტუტის დირექტორის მოადგილე სამეცნიერო დარგში, ჩაის მრეწველობის სამეცნიერო -საწარმოო გაერთიანების გენერალური დირექტორის მოადგილე სამეცნიერო დარგში, ჩაის, სუბტროპიკულ კულტურათა და ჩაის მრეწველობის სამეცნიერო-საწარმოო გაერთიანების მთავარი ტექნოლოგი.

საკანდიდატო და სადოქტორო დისერტაციების თემატიკა დაკავშირებული იყო შემდეგ პრობლემებთან: მწვანე ჩაის წარმოების ტენოლოგიური რეჟიმის დადგენა ნაკადური წარმოების პირობებში და ჩაის მრეწველობის მდგრადობის საკითხები სამხედრო პირობებში (სპეცთემატიკა). არის ორი მონოგრაფიის, მათ

შორის „კვების მრეწველობის ნარჩენების რაციონალური გამოყენება“ თანაავტორი, მიღებული აქვს გამოგონების ორმოცამდე საავტორო მოწმობა, გამოაქვეყნა ასზე მეტი სამეცნიერო შრომა.

მისი ინიციატივით შეიქმნა ჩაის კვლევითი ლაბორატორია ლენქორანში, რამაც ხელი შეუწყო ახერხაიჯანული ჩაის წარმოების ტექნიკური და ტექნოლოგიური დონის ამაღლებას. იგი უშუალოდ ხელმძღვანელობდა სამეცნიერო სამუშაოებს მოსკოვის, ადლერის, ზუგდიდის, თბილისის და ლენქორანის ფილიალებში.

ლევან ქუთათელაძის ხელმძღვანელობით დამუშავდა და დამტკიცდა ახალი სახელმწიფო სტანდარტები ყველა სახის ჩაის პროდუქტებზე და პირველად მასში შეტანილი იქნა ჩაის ხარისხის განმსაზღვრელი ობიექტური ქიმიური მაჩვენებლები - ტანინი, ექსტრაქტი, კოფეინი.

დიდი დახმარება გაუწია ვიეტნამს ადგილობრივი ჩაის მრეწველობის სამეცნიერო კვლევითი ლაბორატორიის ორგანიზებასა და აღჭურვაში, სათანადო სამეცნიერო კადრების მომზადებაში.

მივლინებული იყო გერმანიაში და პოლონეთში ადგილობრივი სპეციალისტებისთვის ჩაის მშრალი და თხევადი კონცენტრატების, სხვადასხვა საკვები

პროდუქტების წარმოებაში ბიოლოგიურად აქტიური დანამატების გამოყენების საკითხებზე კონსულტაციის გასაწევად.

მეცნიერულად დაასაბუთა ჩაის მრეწველობის სამეცნიერო საწარმოო გაერთიანებისთვის შემოქმედის ექსპერიმენტული ჩაის ფაბრიკისა და ოზურგეთის ექსპერიმენტალური მანქანათმშენებელი ქარხის აშენების აუცილებლობა.

იყო რამდენიმე ასპირანტისა და მაძიებლის სამეცნიერო ხელმძღვანელი, დისერტაციათა ოფიციალური ოპონენტი. უშუალოდ ხელმძღვანელობდა დახურული (საიდუმლო) თემების დამუშავებას, განსაკუთრებით (ომი, ელექტროსისტემების დაზიანება და სხვ.) პირობებში ჩაის მრეწველობის მდგრადობისა და სპეცპროდუქტების წარმოების საკითხებზე.

მის მიერ გენერალურ დირექტორთან კონსტანტინე გულუასთან და მთავარ ინჟინერ თამაზ ბერიძესთან ერთად შედგენილი იქნა ქ. ოზურგეთში ახალი ექსპერიმენტული ჩაის კომბინატის მშენებლობის ტექნიკო-ეკონომიკური დასაბუთება, რომელიც შეტანილი იქნა საბჭოთა კავშირის მინისტრთა საბჭოს დადგენილებაში. კომბინატში დასაქმდებოდა ათასი ადამიანი და გამოშვებული პროდუქციის წლი-

ური მოცულობა იქნებოდა 20 მილიონი მანეთი. მშენებლობისთვის გამოიყო სათანადო მიწის ნაკვეთი. კომბინატის მშენებლობა 1989 წელს უნდა დაწყებულიყო, მაგრამ საქართველოში განვითარებული ცნობილი მოვლენების გამო ეს პროექტი არ განხორციელდა.

ლევან ქუთათელაძე არის საქართველოს რესპუბლიკის დამსახურებული ინჟინერი, მეცნიერებისა და ტექნიკის დარგში საქართველოს მეცნიერებისა და ტექნიკის სახელმწიფო კომიტეტის პრემიის ლაურეატი, ტექნიკურ მეცნიერებათ დოქტორი. სახელმწიფოს მიერ დაჯილდოებულია ორდენებით და მედელებით.

და რაც ყველაზე მთავარი და მნიშვნელოვანია საზოგადოებისათვის, ლევან ქუთათელაძე არის შესანიშნავი ქართული ტრადიციული ოჯახის მეთაური.

ძვირფასო მკითხველო, „მე ლევან ქუთათელაძის მეგობარი ვარ“ და წინამდებარე საგაზეთო წერილს სიამაყის გრძნობით მოვაწერე ჩემი სახელი და გვარი.

**ომარ ბაკურაძე,**

ჩაის მრეწველობის სამეცნიერო კვლევითი ინსტიტუტის ყოფილი მეცნიერ თანამშრომელი

# „ჩემი ლამაზი სოფელი“

გაგრძელება დასაწყისი „ალიონი“ №3

## სკოლა, თამაშები

მე სკოლაში 7 წლის ასაკში მიმიღეს, ისე 8 წლის უნდა ყოფილიყო პირველი კლასის მოსწავლე. საწვივე მატერიალს განვიკარგავდი, მხარზე ზონარით გადაკიდებული გვექონდა. მელანი პატარა შუშის ან თიხის ქილასავით ჭურჭელი იყო, კალამი და კალმისტარი თუ არ გვექონდა, მსხვილი ცოცხის ღეროზე ვამაგრებდით კალამს და ვაწვდით სამეღნეში. მატემატიკისათვის ლამაზად გამოჭრილ თხილის ჯოხებს ფანქრის სიმსხოს დაახლოებით 10-სანტიმეტრის სიგრძის კანს გავაცვლიდით და ათ-ათ ცალად შეგვრავდით ნახშირი წვრილი რეზინით და დათვლაში გამოკლება-მიმატებაში ვხმარობდით. რვეულები საკლასო და საშინაო იყო. რუსულს მესამე კლასიდან ვსწავლობდით, ხოლო გერმანულს — მეხუთედან. სანამ ომი დაიწყო, ყველაფერი მშვიდობიანად მიდინარობდა; მიუხედავად მატერი-ალური სიღარიბისა, ალბათ ისეთი ტკბილი ცხოვრება არ განმეორდება — ჩვენი უბნის ბავშვებმა ზოგმა ასკანაში 5-6 კილომეტრის დაშორებით დაამთავრა საშუალო სკოლა.

სკოლაში თამაშობა ასეთი იყო — **კლასობა** დახაზული უჯრედები სუფთა მიწაზე და ცალი ფეხით პატარა კრამიტის ნატეხი ისე უნდა გაგვეტანა, რომ ხაზს არ შეხებოდა; **ჯაფარიკა** — პატარა ორმო, ზედ 30-სანტიმეტრიანი ჯოხი იდო, ჩვენ ხელში მორე მორე მოვრძო ჯოხი გვეჭირა და ამოვკრავდით ქვემოდას და გატყორცნილი უნდა დაეჭირა მორე მოთამაშეს; მეტად მაგარი სათამაში იყო **ლახტი**. მრგვალ წრეში 2 ან 3 ქამარი იდო და შიგნით იცავდა თითოს თითო ბიჭი, ამდენივე გარედან ცდილობს აღებას, მაგრამ ფეხი თუ მის ფეხს მორატყა „დაჭრილი“ იყო და შიგ უნდა დამდგარიყო. თუ ქამარს გარეთ მყოფი წაიღებდა, იგი ურტყამდა ქამარს შიგნითას. ასე ვთამაშობდით **„მრგვალი ვირო“**.

პატარები ასე ვიწყებდით რუსულადაც და ქართულადაც: ბატეო, ბატეო, შინისაკენ! რატომ? — გორაკზე მგელია — როგორ? — ნაცრისფერი, რუხი და ბავშვები მივბობდით დედა „ბატისაკენ“.

გაზაფხულზე თხემლის ნორჩ ტოტს ჩამოვხეწდით, გადავტყენდით და დავატრიალებდით ღეროში, კანი გამოძვრებოდა ეს იყო „საპუტუნა“ სხვადასხვა ხმაზე.

მოგვირდით უფრო გამაგრებულ გვირგვინს ღეროს, დავატრიალებდით ფოთლებს, ვაკეთებდით პატარა კაკებს და ვეპიჩებოდით აქეთ-იქეთ. რომელი კაკეც დასძლევდა, იგი იყო გამარჯვებული.

ბიჭები **ხელთოფას** ვაკეთებდით. იგი თხიფსელას ხისგან კეთდებოდა. იგი მორჩილი, დაბალტანიანი ხეა ღრუტანი; ზამთარში რეზინას თუ ვიშოვიდით, **შურდულს** (ლაკატკას) ვაკეთებდით. მას ქვების სასროლი აქვს და გულგამოცლილ ქალღლის ტყეებს ვისროდით.

მდინარის ცალკე ტოტს გადავწურავდით — იქამდე ბოლოში უკეთებდით და მცირე ჯებირი ხის ფოთლებიან ტოტებისაგან. როცა წყალი კლებას დაიწყო, თევზები იგრძნობდნენ და იწყებდნენ მდინარის შესართავისაკენ ცურვას. ჩვენ, ხელით ქვების ქვეშ ვიჭვრდით ნაკადულის წითელწინწკლებიან კალმასს. ამის შემდეგ ვბანობდით ანკარა ბაზვის წყალში.

## მყვამსების პარავში

მთელი ზაფხული ბახმაროში ვიყავით. ჩემი მშობლები მეტყობდნენ, რომ მწიფობისთვის (ოქტომბერში) ვიყავი დაბადებული და მომდევნო წლის ივლისში, 9 თვის რომ გავმზადდებო, მაშინვე ილაკრის (ამ სახელით იხსენიებს მამის — ირაკლის სახელს — რედ), ყაბალახის ყურში ჩაუესხივარ და ისე ავუყვანივარ ბახმაროში. მას შემდეგ, ომის დაწყებამდე, სულ ბახმაროში ვიყავი. კარგად მახსოვს, სეზონის ბოლოს დილით რომ გავიღვიძე, კარგა გვარინი თოვლი დამხვდა. ბარისკენ დავიძარით. კისერში ჩამიჯინა გრიმა ვაშლომიძემ და ისე ჩამომიყვანა უკანავაში. აქაც მაგარი ნაავდრი იყო.

რა დამავიწყებს იმ ბედნიერ დღეებს, როცა მშობლები და ჩემი საყვარელი უფროსი თაობის ხალხი მყავდა მომეფერებელი, ასევე დედაჩემის ძმები — ჭიკალო და შუტუ, რომლებიც მამაჩემმა ისე დაზარდა, რომ მათ იგი მამად მიიჩნდა.

ერთი ძველი ამბავი მინდა გავიხსენო, ანეტა კვარაცხელიას (სერგოს დედა) მონაყოლი. კვარაცხელიების ეს ორი ოჯახი სოფლის თავში, ლილოსქედში ცხოვრობდნენ. აქედან იყო ბახმაროსკენ წასასვლელი ბილიკი, რომელიც დიდრ-აფაზე, დამწვარ ქუჩასთან უერთდებოდა ვანისქედში გზას და საქონელს (მათ ხომ დიდი ჯოგი ჰყავდათ) აქედან მიერეკებოდნენ. ცხენებითაც აქედან დადიოდნენ.

ადრე წასულან მთაში, რადგან კარგი ამინდები ყოფილა. სახლში მოხუცი ბებია დაუტოვებიათ დროებით, რომ მალე ჩამოაკითხავდნენ. სახლში ძალიან ჭკვიანი დიდი ძალი, როგორც ჯოგის ძაღლია, დაუტოვებიათ: „ბათურა“, ბებიას მიხედო. გასულა 10 თუ 15 დღე, ისინი კარავში იყვნენ (კარავს იმ სახლს ეძახიან, რომელშიც მწყემსები ცხოვრობდნენ). მათ კარავთან ძაღლის ყმული გაუგონიათ. გამოსულან და ზედავენ „ბათურა“ ზის და ცისკენ პირაბყრობილი ყმუის!

მისცივიდნენ, მოეფერნენ, რა იყო „ბათურაო“. „ბათურამ“ ერთი კი შეხედდა მათ და დადო ორივე თათი წინ ცრმელები გადმოყარა; მიხვდნენ კვარაცხელიები, ეს რომ კარგის მომსაწავებელი არ იყო და იმავე ფეხზე წამოვიდნენ ბარში. „ბათურამ“ თურმე ლუკმა არ აიღო და მთელი გზა წინ მიუძღვოდა მათ. ჩამოვიდნენ და მოხუცი ლოგინში დახვდათ გარდაცვლილი. ისინი სოფლის ზემოთ ცხოვრობდნენ, ხოლო მეზობლობა დაბლა, უკანავაში იყო.

კიდევ მაგონდება პეტრე გვილაგას შესახებ (იგი მამაჩემის ალალი ბიძაშვილის დარია იაგორის ასული ვაშლომიძის ქმარი იყო). მათაც დიდი ჯოგი ჰყავდათ და სოფლის დასალიერს ცხოვრობდნენ. ეს ის დრო იყო (გასული საუკუნის დასაწყისი), როცა კობა ჯულაშვილს დასდევდნენ დასაჭერად. ამ პერიოდში, ჩვენს პატარა სოფელში სამმა დიდმა მესაქონლემ დაიღობინა, რადგან მწყემსების მიერ ახლად აღმოჩენილმა აღაპურმა საძოვრებმა, ბახმარო და ტყემ მათ საშუალება მისცა საქონლის იოლად გამოზამთრებისა. ეს მესაქონლეები იყვნენ: კოწია კვარაცხელია, ჯარუ ფიფია და ახალგაზრდა მესაქონლე პეტრე გვილაგა. პეტრე და კოწია უკანავაში დაოჯახდნენ — ვაშლომიძეების ქალები ჰყავდათ ცოლად — ხოლო ჯარუ ფიფია ვაკ-

ივკარში. ამათ, რა თქმა უნდა, თავიანთი კარვები და საძოვრები ჰქონდათ ბახმაროში (სადაც ახლაცაა „ჯარუს ნაკარვლი“, პეტრეს კარავი), შემდეგ მისი შვილების სერგოს და ფასტოს სახლები (ე.წ. კარვები). ჰოდა ასეთ მიუწველომელ ადგილზე იმალებოდა კობა ჯულაშვილი იმ იმედით, რომ ეს ხალხი არ გასცემდა.

მოხდა ისე, რომ საიდნლაც გაჟონა ამ ამბავმა, კობას (სტალინის) იმ მიდამოებში ყოფნის შესახებ. მივიდნენ ჟანდარმები ჯარუს კარავთან და ეკითხებოდნენ ჯარუს: „თქვენთან ვინმე უცხო პიროვნება ხომ არ არისო?“

— „ბატონებო, ამ ტყეში ჩვენ გვიჭის ყოფნა და უცხო ხარ გააჩერებო!“ — უპასუხნია ჯარუს.

ისინი მაინც შესულან კარავში, სადაც ზის ეს „გლეხის ბიჭი“ (კობა).

— „ასი მამაძალი გვასუია თავს, შენ რა დავიბარე, (უყვირის ჯარუს „მეხბორეს“), ხობების მოდენა, იძინე ხომ?“ — და ჯარუს დიდი ჯოხი აქვს ხელში, როგორც იციან მწყემსებმა „მეხბორე“ სწრაფად გამოვარდინა გარეთ და გაქცეულა „ხობების“ მოსადენად. ჟანდარმებს კიდევ შეცო-ღებდა საწყალი „მეხბორე“ და წასულან.

ასე ინახავდნენ დევილებს და პირველ რიგში კაცურ ნამუსს ეს ხალხი.

კოლმეურნეობის ჩამოყალიბების შემდეგ კვარაცხელიებს, სხვებს მიწები და ძროხები ჩამოართვეს.

## ოციანი წლების შესახებ

ოციანი წლებში გურიასი დიდი აჯანყებები და მთავრობისაგან (ბოლშევიკებისაგან) სადამსჯელო ღონისძიებები ტარდებოდა. განსაკუთრებით საშა ობოლაძის სადამსჯელო რაზმმა ააწიოკა მოსახლეობა. დაიჭირეს უკანაველები და მთისპირელები. ზოგი გადაასახლეს, ზოგი სხვა სოფლებში დაჭერილ გლეხებთან და ინტელიგენციასთან ერთად სოფელ ლიხაურის შესასვლელში, კვაჭალათზე დახვრიტეს, იქ, სადაც გოგია ღლონტიც საშა ობოლაძე გამოსალმა სიცოცხლეს. ჩვენი სოფლიდან დახვრიტული შორის იყვნენ: მამა-შვილი კოწია და ფასტო კვარაცხელიები. როცა ისინი დაიჭირეს, კოწია მეუღლეს ანეტას (ვაშლომიძის ქალი) უთხრეს თურმე ამ მხეცებმა: — ქმარი თუ შვილი?

— შვილი ნენა, შვილიო — შებღვლა თურმე დაჩოქილმა ქალმა.

დახვრიტეს პანტელიმონ ვაშლომიძე (ხალიკო ვაშლომიძის ბაბუა), ანდრია ლომიძე, კოწია კვარაცხელია და როგორც სხვები, ისევე ყოვლად უდანაშაულო 19 წლის უმცროსი ბიძა ილია; მიზეზი კი ის იყო, რომ გურიასი მომრავლდნენ ფირალები და მათ შორის მეორე ბიძა სიმონა თალაკვაძეც იყო. ამათმა არ ინდომეს ბოლშევიკები და განუდგნენ. შექმნეს რაზმი, რომელსაც ფირალი გოგია ღლონტი ხელმძღვანელობდა. მამაჩემიც დაიჭირეს, სახლიც დაუწვეს, აწამეს — ძმაი მოგვიყვანო. ასევე დაიჭირეს ჩემი ბაბუაც. მეოთხე ძმა ბაგრატი 1914 წლის რუსეთ-გერმანიის ომში ტყვედ ჩავარდა და სახლში მხოლოდ ქალები დარჩნენ.

როგორც ვთქვი, გოგია ღლონტის რაზმი კვაჭალათზე ჩასუაფრდა ქაქუთიდან მომავალ ობოლაძის რაზმს და იქვე ააფეთქეს თავის



ვანისქედის №8 ბრიგადა, შუაში ბრიგადირი ნოდარ თალაკვაძე

ეტლში მის კიდევ ორ მოადგილესთან ერთად.

ბაბუამ ერთ დროს ახალგაზრდა სტალინი შეიფარა და ოჯახში ინახავდა, შემდეგ ურმით ჩალაგადაფარებული გააპარა ჩოხატაურისაკენ; მოხდა ისე, რომ სიმონა ბიძია გასცა ვილაკამ და სადილი რომ მიუვიდა ტყეში, იქ ჩაუსაფრდა მილიცია და მოკლეს. ბიძაჩემი მისმა დებმა ორი მეზობელი კაცის დახმარებით, დამით ჩამოასვენეს სახლში. ჩვენი ეზოს წინ პატარა გორა იყო და იქ დასაფლავეს. სხვებიც მოკლეს, მხოლოდ გოგია ღლონტი გაიპარა საზღვარგარეთ მეუღლესთან ერთად და საფრანგეთში გარდაიცვალა.

ბაბუამ სტალინს წერილი გაუგზავნა — თქვენებმა ოჯახი დამინგრიესო და ბაგრატი ბიძი შეახსენა. მიუვიდა სტალინს ეს წერილი და პასუხად წერილი და 30 მანეთი გამოუგზავნა. ბაბუა და მამაჩემიც გამოუშვეს ციხიდან. შემდეგ კი 17 წელი ტყვეობაში ნამყოფი ბიძა ბაგრატი გამოისყიდა და 1932 წლის შემოდგომაზე გერმანიიდან ჩამოვიდა.

ბაბუას სიკვდილის ბოლომდე ჰქონდა სტალინის მიერ დანიშნული პენსია.

## ომი

მიუხედავად ხელმოკლეობისა, ყველა ნაწულობდა თავისი ოჯახის სარჩენ საშუალებას, ადამიანებს გათენება უხაროდათ, რაც იმ ავადსახსენებლმა ომმა ერთი ხელის მოსმით გაანადგურა. გამოცხადდა ომი და გაიწვიეს მთელი სოფლის ახალგაზრდობა და ცოტა ასაკოვნებიც.

ეს იყო 1941 წლის 22 ივნისს, კვირა დღეს, — ამ დღეს ხომ წელიწადის ყველაზე დიდი დღეა, გერმანია მოულოდნელად დაესხა თავს ჩვენს ქვეყანას. მე მაშინ 9 წლის ვიყავი, უკანავას დაწყებითი სკოლის 3-კლასდამთავრებული. ჩვენი უბნის — თაფურიათის 4 მოსახლიდან 4 ახალგაზრდა გაიწვიეს ომში, მათგან მხოლოდ ერთი — ილიკო ინწკირველი იყო ცოლშვილიანი, რომელსაც სახლში 2 შვილი დარჩა. არც ერთი არ დაბრუნებულა ამ ომიდან. ჰოდა, დამწუხრდა მთელი ქვეყანა. რა თქმა უნდა ჩვენი სოფელიც, მაგრამ ჩვენ, ბავშვებისათვის ნაკლებად მისახვედრი იყო არსებული მდგომარეობა, რაც შეეძლო ომს მიეთანა. მამაჩემი, მიუხედავად იმისა, რომ მისი შვილი არ იყო ამ ომში, ძლიერ განიცდიდა მომხდარს, რადგან ბევრი ამ ბიჭებიდან მის ობოლ ბავშვებთან ერთად იყვნენ გაზრდილი. თავად მამაჩემი მძიმედ ნაწვავლები კაცი იყო.

დღემდე ეზოში ჩაი მოკრიფა. მამამ საღამოხანს წაიღო პუნქტზე, გაღმა — უკანავაში. მეც ავედებე —

მასსოვს, მალაზიის წინ იდგა სილიანი ყუთი, და იმაზე ისხდნენ მამაჩემი და გრიმა ვაშლომიძე. საუბარი, რა თქმა უნდა, ომს შეეხებოდა. მემახის მამაჩემი: — „ნენიავ, ასე ეძახდა მისთვის ძვირფას არსებას) გაიქეცი სახლში დამდებ, მე ცოტა საქმე მაქვს და მოვალა.“ ენა არ მითქვამს, ისე გამოვტრიალდი და წავიდე სახლში; თურმე თავს შეატყო, ცუდად იყო და მე რომ არ შემშინებოდა და არ დამენახა ცუდად იყო, ამიტომ გამომიშვა და იქვე კოტე ვაშლომიძესთან გარდაიცვალა. მამა დილით ამოასვენეს ხალხმა სახლში. მაშინ იგი 66 წლის იყო. 1941 წლის 22 ივლისს დაკრძალეს მამა ეზოში. ომის დაწყებიდან ერთ თვეში დავრჩით მე და საბრალე დედაჩემი, შამ-ტოდ, მიყრუებულ სოფელში, მამ-ლილის, სიცივის და რაც მთავარია შიმის წინაშე. ზაფხულობით ხილით ვიკვებებოდით, ცოტა საყანე იყო. ეზოში ცოტა სიმინდს მოვიწვედით, ცოტა ლობიოს, ხაპს და კვირაში კიდევ ერთ სულზე 600 გრამ შავ პურს გვაძლევდნენ, რაც დიდი შეღავათი იყო ჩვენთვის. გვყავდა მეწველი ძროხა, — დედა ხან ნაპის (გოგრის) ქაშს მიკეთებდა, ხან მონარშული მსხალი გვექონდა...

ზამთარშიც მოკლე შარვალი და დედაჩემის მოქსოვილი გრძელი ბამბის „ჩუღლები“ მეცვა — დედა ასევე მეგრულ ქალამებს მიკერავდა — საქონლის ტყავს თუ იშოვიდა. ასე დავდიოდი 1941-42 წლებში ვანისქედის სკოლაში, შემდეგ კი 11-12 წლის ბავშვი ნახევრად მშვიერი და ტიტველი დავდიოდი თაფურიათიდან 4-5 კილომეტრით დაშორებულ მთისპირის სკოლაში. ახა წიგნები და რეგულები სად იყო, ზოგს ამხანაგებდნენ ვთხოვლობდი, თუ არადა დასვენების დროს ვკითხულობდი. გაზაფხულის მოსვლა შეგება იყო — ხან ფეხშიშველი დავდიოდი. მასწავლებელს საშუალოდაც დავყავდით, თხემლის ხის პატარა გირჩებს ვავროვებდით, ის თურმე იოდს შეიცავდა. ჯარის დასახმარებლად რაც შეგვეძლო, იმას ვავროვებდით. გერმანელები კავკასიონის ქედზე იყვნენ მოსული. ყველაზე საშინელება მაინც ის იყო, როცა რომელიმე ოჯახს შვილის, ძმის თუ ქმრის დაღუპვის ცნობა მიუვიდოდა.

პატარა უკანავადან ხენჩელამდე 27 ახალგაზრდა გაიწვიეს ომში, აქედან 15 არ დაბრუნებულა. ძმები ი. და პ. იები დუნერტირობდნენ და რაც ჩვენთვის დიდი სამიშროება იყო. ისინი მიყრუებულ ადგილას იმაღლებოდნენ, დამით შეიარაღებულები



სულთათანა

# პაშა დარჩიას ხსოვნას



24 თებერვალს 24 დღე სრულდება შენი ამ ქვეყნიდან წასვლიდან. წახვედი და დამტოვე ტკივილთან და დარდთან ერთად. 63 წელი ერთად ვიყავით, ვხარობდით შვილებით და შვილიშვილებით, სანამ ჩვენი შვილი – კობა არ გამოგვაცალა ხელიდან.

ამის შემდეგ შენი ჯანმრთელობა მკვეთრად შეირყა. მძიმე სენმა გავწვავა, სამი წელი ებროდი და ბოლოს ვეღარ გაუძელი. მეუბნებოდი – დაგხმარებოდი, სიკვდილი არ გინდოდა, მაგრამ მეტი ვეღარ შეძელი. ბოლოს შობას შენი შვილების ერთად ყოფნით გაიხარე. შენი ხათუნა და ნოდარი შვილებთან ერთად გვესტუმრა.

ეს იყო შენი ბოლო სიხარული. შემდეგ ძალიან დამძიმდა შენი მდგომარეობა. ყველა დღე სიკვდილს ჩასცერებოდი თვალეში.

ჩვენ სახეზე სამი შვილი, 10 შვილიშვილი და 9 შვილთაშვილი გვყავს.

ყოველი გასული დღე უსაშველოდ გაუსაძლისია ჩემთვის. ვიცი, იქ მზრუნველობას არ მოგაკლებს ჩვენი კობა და შენი უფროსი და ციალა, რომელიც ახლახან წავიდა საწუთროდან.

მშვიდად განისვენე, ნათელი და სანთელი შენს ხსოვნას.

შენი ცისანა

გახეთ „ალიონის“ რედაქცია იუწყება ოზურგეთის საკრებულოს აპარატის წევრის **ტარიელ ჩხარტიშვილის** გარდაცვალებას და თანაუგრძნობს განსვენებულის ოჯახს

## „ჩემი ლამაზი სოფელი“



ვანისქედის დარბაზული ეკლესია XI-XIIIსს. (განახლებული)

სოფელში ჩამოდიოდნენ და ზოგიერთ სახლშიც კი შედიოდნენ და თუ რაიმე საჭმელი იყო, მიჰქონდათ...ვეღარ გაუძლო ასეთ მძიმე ყოფას დედაჩემმა, ჩემმა უფროსმა ნახევარძმამაც შეაგულიანა და ომის დამთავრებამდე ერთი თვით ადრე გათხოვდა, დაბლა ვანისქედში (დინაშხო) სილევან ნიკოლაიშვილზე.

მოვიდნენ მთავრობის ხალხი: სოფლსაბჭოს თავმჯდომარე გალაქტიონ ჩაველეშვილი, მდივანი რუბენ ჭელიძე, კოლმეურნეობის თავმჯდომარე იაკობ ჩაველეშვილი და მეზობელ სერაპიონ შეწირულთან ერთად აღწერეს ჩვენი ოჯახი: ფიცრული ოდა სახლი, სამზარეულო, სასიმინდე, ჭურმარანი, ყველა ნივთი რაც სახლში იყო, საქონლები, ღორი და შეადგინეს აღწერის აქტები და ჩემს ძმას ვესესი ილაკრის ძე თალაკვაძეს დაავალეს მუშაობა („აპეკუნობა“). ავალდებულებდნენ ამ ჩამონათვალის სრულად დაბრუნებას, ჩემს დაცვას სრულ ასაკამდე მიღწევამდის.

სილევან ნიკოლაიშვილი 3 თუ 4 წლის დაქვრივებული იყო. მისი პირველი მეუღლე პელაგია თალაკვაძე იყო, რომელთანაც 5 შვილი ჰყავდა, აქედან ორი ვაჟი – ავთანდილი და გივი ომში იყვნენ, სამხედროში იყო მედდად ერთადერთი ქალიშვილი დინა(თინა). პელაგია ვამლის კრევის დროს გადმოვარდნილა ხიდან და დაღუპულა.

სილევანი რუსის ჯარში ნამყოფი ძლიერი და ჯანანი კაცი იყო. ჰქონდა ძლიერი ოჯახი, ნაყოფიერი მიწები დინაშხოზე და ალბათ საწყალი დედაჩემი ბოლო ოთხი წლის

—ვიღაცას აუტანია ამბავი, რომ იქ ცეცხლი ანთიაო. მოვიდა ატირებული, აქ რას აკეთებ შვილო, რატომ წამოდი, ან ეს ცეცხლი რატომ დაანთო?! მეც გული ამიყურდა, ჩავედი თავი უბეში — იგი ჩემი მეორე დედა იყო, —და ცრემლიანმა ვუთხარი, რომ შინა მომენტარა და ცეცხლი იმიტომ დაანთე, რომ ვინცა დინახავდა, ილაკრისას ფუტი არ ჩამქრალაო..

### ვანისქედის ეკლესია

ჩვენს პატარა სოფელში ოთხი ეკლესია იდგა. ვანისქედის ეკლესიას ასასვლელი ოცდაათორმეტი საფეხურიანი ქვის კიბე ჰქონდა, იგი კომუნისტების დროს მოუშლიათ მამინდელი კოლმეურნეობის თავმჯდომარის დავალებით ერთ-ერთ იქაურ მცხოვრებს, რომელსაც შემდეგ თურმე თვალეები დაეხსო და ვეღარ ხედავდა. მეორეს — დიდი ხარი ჩამოუგდია, იგი რაღაცაზე დაუჭირავს კომუნისტებს და ნაწამებს ხელ-ფეხზე ფრჩხილები ადარ ჰქონია. მე ეს გადმოცემით ვიცი, რომლებიც იქ, იმ დროს ცხოვრობდნენ. იქ დიდხანს ყოფილა პატარა სენაკში ტასია მონაზონი, რომელიც იქ გარდაიცვალა.

ერთ ძველ გამოცემაში ვახუშტი ბაგრატიონს აქვს აღწერილი, რომ „არს ქალაქი ვანისქედი,“სადაც არამურკობა იმართებოდა თურმე. იყო პურის საცხობები ამბაკო მახარაძის და ყასარ ჩხარტიშვილის, სავაჭროები სოფრომ მახარაძის და სეფერთელაძის იქვე და სხვების, ცხოვრებულა ბერძენი ვაჭრები, (გვარი არ მაგონდება), მხოლოდ ახლა იქ ახლაც არის ლამაზი წყარო, სახელად „ბერძნის წყარო,“და თლილი, ლამაზი ქვებით ფურნებისა და სავაჭროების ნამყოფი ფუნდამენტები.

როცა ვანისქედის ტაძარში ლოცვა აღველინებოდა, მღვდელი იქაური სასულიერო ოჯახის შვილი პავლე კილუაძე ყოფილა — მისი ოჯახობა ცინცაძის ქალი, ქ-ნი ნეფილორა პატრიარქ კალისტრატე ცინცაძის მოგვარე იყო. ეს ადამიანები მეც მახსოვს; პავლე რომ გარდაიცვალა, ეკლესიის შიგნით დაკრძალეს, — მაშინ იგი ნახევრად დაწვრილი იყო.

დღეს, უფლის წყალობით და სოფლის ანალიზატორების მონღომებით ვანისქედის ტაძარი აღდგენილია და იქ წირვა-ლოცვა აღველინება (გაგრძელება იქნება)

**იყიდება ღაფნის ნივთები  
ფასი უმთავრესებით:  
დაბიკავშირით:  
555 51 47 53**

**„არწივები“ გამოტოვებულ  
მატჩში „ტაოს“ უხვდება**



**ალიონი.** ოზურგეთის „არწივები“ 25-27 თებერვალს, მე-8 ტურის გამოტოვებულ გასვლით მატჩში სამცხეთ-ჯავახეთის „ტაოს“ შეხვდება.

„არწივები“ წარმატებით გამოდის საქართველოს პირველობაზე რაგბიში პირველი ლიგის გუნდებს შორის და პირველი წრე 42 ქულით მესამე პოზიციაზე დაასრულა ( 8 მოგება, 1 ფრე, 2 წაგება, გატ. გაშვ. 404-166).

გათამაშებას 52 ქულით (11 მოგება, 1 ფრე, 1 წაგება) თბილისის „არმა“ ლიდერობს. მეორე პოზიციაზე თბი-

ლისის „ხვამლია“ 46 ქულით (10 მოგება, 3 წაგება). თუმცა ორთავე გუნდს „არწივებზე“ 2 თამაშით მეტი აქვს ჩატარებული.

მე-4 პოზიციაზე მყოფმა „ტაომ“ მართალია 13:14 დათმო მატჩი „ბაგრატიანს“, მაგრამ სანუგეშო ქულა მიიღო და „არწივებს“ დაეწია. „ტაოსაც“ 13 შეხვედრა აქვს გამართული.

4-6 მატჩს „არწივები“ მე-14 ტურის გამოტოვებულ მატჩს პატარძელულში „ვეფხვებთან“ გამართავენ.

## მიწის სისტემური რეგისტრაცია პირველი ქვეყნის მასშტაბით დაიწყო!

საქართველოს იუსტიციის სამინისტროს საჯარო რეესტრის ეროვნულმა სააგენტომ მიწის სისტემური რეგისტრაცია დაიწყო. სააგენტო 2022-2024 წლების განმავლობაში, საქართველოს 59 მუნიციპალიტეტში (გარდა ოკუპირებული ტერიტორიისა და თვითმმართველი ქალაქებისა: თბილისი, ბათუმი, ქუთაისი, რუსთავი, ფოთი) განახორციელებს საამშრომველო და სარეგისტრაციო საქმიანობებს (საქართველოს იუსტიციის მინისტრის 2021 წლის 31 დეკემბერის ბრძანება 798).

დღეს არსებული მდგომარეობით, ქვეყანაში მიწების 1/3 დაურეგისტრირებელია. საჯარო რეესტრის ეროვნული სააგენტო 2024 წლის ბოლომდე ეტაპობრივად უზრუნველყოფს ყველა მუნიციპალიტეტის ტერიტორიაზე სისტემურ რეგისტრაციას.

სისტემური რეგისტრაციის ფარგლებში მოქალაქეები საფასურის გადახდის გარეშე მიიღებენ შემდეგ მომსახურებებს:

- მიწის ნაკვეთების საკადასტრო აგეგმვითი/აზომვითი სამუშაოები;
- უფლების დამადასტურებელი დოკუმენტაციის მოძიება და სისტემატიზაცია;
- გარიგებაზე მხარეთა ხელმოწერების დამოწმება;
- სანოტარო მედიაცია;
- მიწის ნაკვეთზე საკუთრების უფლების აღიარება;
- ფაქტების კონსტატაცია;
- მიწის ნაკვეთის ადგილმდებარეობის, უფლების დამადასტურებელ დოკუმენტთან იდენტურობის დადგენა;
- მიწის ნაკვეთზე საკუთრების უფლების და მასში ცვლილების რეგისტრაცია.

? მიწის სისტემური რეგისტრაციის პარალელურად, მოქალაქეებს კვლავაც შეეძლებათ ისარგებლონ მიწის სპორადული რეგისტრაციით.

? საქართველოს მთავრობის №636 დადგენილებით (2021 წლის 31 დეკემბერი) ცვლილება შევიდა №509-ე დადგენილებაში (2011 წლის 29 დეკემბერი), რომლითაც ვანისაზღვრება სისტემური რეგისტრაციის გეოგრაფიულ არეალში მდებარე მიწის ნაკვეთზე სპორადული რეგისტრაციის საფასური.

# ეროვნული მოძრაობა რევოლუციის პერიოდში

## ილია ჭავჭავაძის მოღვაწეობა საქართველოს ეროვნულ-დემოკრატიული პარტიის შესაქმნელად



1905 წლის ილიას განუზრახავს, შექმნა „ქართველ პროგრესისტთა ნაციონალურ-დემოკრატიული პარტია“. პროგრამის ტექსტის პირვანდელი ვრცელი ვარიანტი 1905 წლის 17 ოქტომბრამდეა შექმნილი. ამ დოკუმენტის მიხედვით, პარტიას „ქართველ პროგრესისტთა ნაციონალ-დემოკრატიული პარტია“ ეწოდება.

1905 წლის 17 ოქტომბრის მანიფესტის გამოცემის შემდეგ ილია ჭავჭავაძეს თანამოაზრებთან ერთად „ქართველ პროგრესისტთა ნაციონალ-დემოკრატიული პარტიის“ პროგრამის პროექტი გადაუმუშავებია, შეუდგენია 14 პუნქტისაგან შემდგარი დოკუმენტის ტექსტი.

1906 წლის იანვარში გაზეთ „ცნობის ფურცელში“ დაბეჭდილია „პროგრამა ქართველ ავტონომისტთა კონსტიტუციონალ-დემოკრატიული პარტიისა“, რომელიც 74 პარაგრაფისაგან შედგება. მოგვიყვას ეს დოკუმენტი მთლიანად:

### პროგრამა საქართველოს ავტონომისტთა კონსტიტუციონალ-დემოკრატიული პარტიისა

#### I. მცხოვრებთა ძირითადი უფლებანი

1. რუსეთის სახელმწიფოს ყველა მცხოვრები, მათი სქესისა, სარწმუნოებისა და ეროვნების განურჩევლად, თანასწორნი უნდა იყვნენ კანონის წინაშე. ყველა წოდებრივი განსხვავება და შემავიწროვებელი კანონი, რომელიც სწავრავს პიროვნულ და ქონებრივ უფლებას, ეროვნების განურჩევლად, საზღვარს უნდა მოისპოს.

2. უნდა დამყარდეს სრული თავისუფლება რწმენისა, სიტყვისა, კრებისა, მუშათა გაფიცვისა, კავშირებისა და ცენზურა საზღვარს უნდა გაუქმდეს.

3. ყველას, როგორც კერძო პირს, აგრეთვე ჯგუფებს, კავშირებსა და კრებებს ნება უნდა ექნეთ, წარუდგინონ მთავრობას მოთხოვნები.

4. ი უნდა იყოს: ოჯახში შესვლა, განხრეკა, გამოტანა და განსნა კერძო კორესპონდენციისა უნდა მოისპოს. აშკარად განკარგულება შეიძლება მოხდეს მხოლოდ სამსახურის განაჩენის, რომელიც თითოეულ შემთხვევისათვის განსაკუთრებით უნდა დადგინდეს; ყოველი ბრალდებული, შეპყრობილი

ქალაქის ადგილს და საზოგადოთ სადაც სამსახურად არის, 24 საათის განმავლობაში ან სამართალში უნდა იქნეს მიტოვებული, ან სრულიად განთავისუფლებული; მაგრამ სადაც სამსახურად არ არსებობს, 48 საათის განმავლობაში უნდა მიეცეს სამართალში, ან უნდა განთავისუფლონ. იმ შემთხვევაში, როდესაც მცხოვრები უკანონოდ იქნება დაჭერილი, ან ვადაზედ გადააცილებენ იმის გამოშვებას, ხელშეუხებელს ნება აქვს, მოითხოვოს, რომ სახელმწიფომ უზღოს, რაც მას უკანონო მოქმედებით ზარალი შეუტოვა.

5. არავინ სამართალში არ უნდა მიეცეს და არ დაისჯოს, თუ არ სამსახურის განაჩენით და კანონისამებრ. უნდა მოისპოს სამარადისოდ საგანგებო სამსახურები.

6. უნდა მოისპოს პასპორტი და ყოველს მცხოვრებს სრული თავისუფლება მიეცეს, იმე ზავროს როგორც თავის ქვეყანაში, აგრეთვე საზღვარ-გარეთაც.

7. ყველა ეს მცხოვრებთა უფლება დაცული უნდა იქნეს სამსახურისაგან და შეტანილი რუსეთის სახელმწიფოს ძირითად კანონებში.

8. რუსეთის სახელმწიფოს ძირითად კანონებში უნდა დაიცავს ყველა ეროვნების პოლიტიკური, მოქალაქეობრივი და ეკონომიური უფლება, აგრეთვე თავისუფალი კულტურული თვითგამორკვევა: უნდა დამყარდეს ყოველ ენათა თავისუფალი ხმარება საზოგადო ცხოვრებაში, თავისუფლად დარსება და მოვლა სასწავლებელთა და ყოველგვარ კრებულთა, კავშირთა და დაწესებულებათა, რომელთაც აზრად აქვთ ენის, ლიტერატურის და კულტურის დაცვა და განვითარება.

9. რუსული ენა უნდა დარჩეს სახმარებლად ცენტრალურ დაწესებულებათათვის, არმიისა და ფლოტისათვის.

#### II. სახელმწიფო წყობილება

10. კონსტიტუციური წყობილება რუსეთისა უნდა იქნეს დამყარებული ძირითად კანონებზე.

11. ხალხის წარმომადგენელნი უნდა იქნენ არჩეულნი: საზოგადო, ფარული, თანასწორის და საიდუმლო კენჭის

ყრით, არა უმცირეს 21 წლისა მეკენჭეთაგან, განურჩევლად სქესისა, სარწმუნოებისა და ეროვნებისა. პარლამენტი უნდა იქნეს ერთად-ერთი კანონმდებელი დაწესებულება.

12. პარლამენტი გამოსცემს კანონებს, შეადგენს სახელმწიფო ბიუჯეტს და კონტროლს იქონიებს უმაღლესის და უმდაბლესის ადმინისტრაციის კანონიერებისა და საჭირო მოქმედების შესახებ.

13. არც ერთ დადგენილებას, განცხადებას, ბრძანებას და სხვა ამგვარ განკარგულებას, ვისგან უნდა იყოს გამოცემული, არ ექნება კანონიერი ძალა, თუ რომ დამყარებული არ არის პარლამენტის დადგენილებასზე.

14. სახელმწიფო ბიუჯეტი, რომელშიც შედის ყველა სახელმწიფო გასავალი და შემოსავალი, მხოლოდ ერთი წლით დადგინდება და უნდა დაკანონდეს პარლამენტისაგან. არც ერთი ბეგარა, ბაჟი და გადასახადი სახელმწიფოს სასარგებლოდ, აგრეთვე არავითარი სახელმწიფო სესხის აღება არ შეიძლება იქნეს დადგენილი, თუ არ პარლამენტისაგან დაკანონებული წესით.

15. პარლამენტის წევრებს აქვთ საკანონმდებლო ინიციატივის უფლება. პარლამენტის უსანქციოთ მის წევრთა პიროვნება ხელშეუხებელი უნდა იყოს.

16. მინისტრები პასუხის მეტყველებენ უნდა იქნენ პარლამენტის წინაშე, რომლის წევრებს უფლება აქვთ, შეეკითხონ მათ და პასუხი მოთხოვონ.

#### III. სამსახურლო

17. უნდა გადათავალიერდეს არსებული კანონები და გამოიცეს ისეთები, რომ ხალხის ზნესა, ჩვეულებასა და საჭიროებს შეეფერებოდეს.

18. სიკვდილით დასჯა უნდა მოისპოს და გამოცხადდეს სრული ამნისტია ყველა პოლიტიკური დამნაშავესათვის.

19. შემოღებულ იქნას პირობითი სასჯელი.

20. ბრალდებულს გამოძიების დროს ვექილის ყოლის უფლება უნდა მიეცეს.

21. მოხელენი საზოგადო კანონისამებრ პასუხისმეტყველებენ უნდა იყვნენ.

22. შემოღებულ იქნეს მომრიგებელ მოსამართლეთა აღმორჩევა.

23. სამართალი ყველასთვის უსასყიდლო და თანასწორი უნდა იყოს.

24. სამართლის წარმოება ხალხის დედა ენაზე უნდა იქნეს.

#### IV. საფინანსო და ეკონომიური პოლიტიკა

25. უნდა გადათავალიერდეს სახელმწიფო ხარჯთა ბიუჯეტი, რომ გადაამტკებელი უსარგებლო ხარჯები მოისპოს და სამაგიეროდ ყურადღება მიექცეს იმ საგნებს, რომელიც ხალხის ნამდვილ საჭიროებას შეადგენენ.

26. განვითარდეს პირდაპირი გადასახადი და შემცირდეს არა-პირდაპირი.

27. ყოველივე ღონის ძიება უნდა იქნეს მიღებული, რომ მიღად გაუქმდეს არა-პირდაპირი გადასახადი იმ საგნებზე, რომელნიც ხალხის უპირველეს საჭიროებას შეადგენენ.

28. უნდა მოხდეს რეფორმა პირდაპირის გადასახადისა, რომელსაც საფუძვლად დაედოს შემოსავალზე და ქონებაზე პროგრესული გადასახადი; შემოღებულ იქნეს პროგრესული გადასახადი შემკვიდრებობაზე.

29. გარემოს შესაფერისად თითოეული წარმოებისათვის ბაჟი უნდა შემცირდეს, რომ საქონელი, რომელსაც ხალხი ხმარობს, გათავადეს და ტენიკურად განვითარდეს მრეწველობა

და მეურნეობა. 30. შემხანველ კასების თანხა უნდა მოხმარდეს მცირე კრედიტის გაძლიერებას.

#### V. აგრარული კანონმდებლობა

31. ვინც მიწის მუშაკი თავისი ხელით მუშაობს და მიწა კი ნაკლებად აქვთ, მას უნდა მიეცეს სახელმწიფო, საუფლისწულო, საკაბინეტო და საშინაოსტრო მიწები. ამავე მიზნით მიწის მუშაკთა მდგომარეობის გასაუმჯობესებლად სახელმწიფომ უნდა გამოისყიდოს კერძო მესაკუთრეთაგან, სამართლიან ფასად, მიწები. სახელმწიფომ უნდა შეისყიდოს აგრეთვე ხიზნებისა და დროებით ვალდებულ-გლეხთათვის ის მიწები, რომელიც მათ თავის საშუალებით აქამდის ვერ შეუსყიდიათ.

32. ყველა აღნიშნულ ადგილებს, სახაზინო და სანადელო ადგილებს გარდა, განაკებს სახელმწიფო სადგილმამულო ფონდი. თუ რა გვარად უნდა დაურიგდეს ეს მიწები (საძვლო-ბელოდ, თუ პირად სასარგებლოდ, ან სათემოდ) დამოკიდებულია თითოეულს ადგილობრივ პირობებზე.

33. უნდა დარსდეს ვრცელი ორგანიზაცია, რომელიც დაეხმარება მეკიდრთა გადასახლებას, და მათ დაბინავებას ახალს საშინაოსტრო, როდესაც უადგილობის გამო იძულებულნი იქნებიან გადასახლდნენ. დააჩქარონ და მოაწყონ მიწების გამოყენება და მიღონ სხვა საშუალებანი, რომელნიც გააუმჯობესებენ მეურნეთა და სოფლის მეკიდრთა მდგომარეობას.

34. უნდა გაუმჯობესდეს ღალის პირობები, მათი კანონზე დამოკიდებულების შესახებ, რომ არენდატორს შეეძლოს ღალის პირობების განახლება; მიეცეს არენდატორს სასყიდელი ადგილის გაუმჯობესებისათვის და დაარსდეს მომრიგებელი სამსახურელები, მიწის პატრონთა და არენდატორთათვის ღალის პირობების მოსაწესრიგებლად. არენდატორს უფლება უნდა ჰქონდეს, მიმართოს სამსახურელების გადამტკებულის მიწის დღლის შემცირების თაობაზე და ამ ღალის შესახებ ხელშეკრულებათა გაუქმების თაობაზე, თუ შიგ საზარალო პირობები არის.

35. დაარსდეს კანონმდებლობა მიწის მოქმედ მუშათათვის, მიწის დასამუშავებლად, ტენიკური თვისების შესაფერად; დაინიშნოს სამეურნეო ინსპექცია და მას დაევალოს, დაიცავს კანონი, რომელიც იფარავს შრომას ამ სფეროში, და შემოღებულ იქნეს სისხლის სამართლის წესით პასუხისგება მეურნეთათვის, თუ რომ იგინი დაარღვევენ შრომის დამცველ კანონის ნორმას.

#### VI. კანონმდებლობა მუშისათვის

36. შემოღებულ იქნეს რვა საათის საშუალო დღე ყველა დაქირავებულ მუშებისათვის

37. დაკანონდეს გაუწვევტელი დასვენება ყოველ კვირაში არა ნაკლებ 48 საათისა ორივე სქესის მუშებისათვის სახალხო მეურნეობის ყველა დარგებში.

38. ნორმაზედ ვადამტკებელი მუშაობა სრულიად აკრძალულ იქნეს.

39. დამე მუშაობა, საღამოს 9 საათიდან დღლის 6-მდე, აღიკრძალოს ყველა მრეწველობის დარგებში ისეთებს გარდა, სადაც ტენიკური პირობების გამო შეუწვევტელი მუშაობა აუცილებლად საჭიროა და სადაც ეს მუშაობა ორგანიზაციების მიერ იქნება ნება დართული.

40. აღიკრძალეთ მწარმოებელი ბავშვის საშუალოდ დაქირავება 16

წლამდის, საშუალო დრო ახალგაზრდებისათვის 16-18 წლამდე არ უნდა აღემატებოდეს ექვს საათს.

41. ქალებს უნდა აღეკრძალოთ შრომა იმ სამრეწველო დარგში, სადაც მათი აგებულებისათვის მუშაობა მავნებელია; ორსული ქალები უნდა გამოთავისუფლდნენ მუშაობისაგან საშუალო ქირის გამოურიცხველად დალოცინებამდი ოთხი კვირით ადრე და ექვსი კვირით შემდეგ.

42. ყველა ფაბრიკებთან, ქარხნებთან და სხვაგან, სადაც კი ქალები მუშაობენ, სადგომები უნდა აშენდეს, აქ მოეწყოს საწოლი თუბუ-მწოვარ პატარა ბავშვებისათვის; მიეცეთ დეებს საშუალოდ წაყვლის ნება ბავშვის მოსავლელად ნახევარი საათიდან სამ საათამდის საჭიროებისდაგვარად.

43. სიბერის ან სხვა რაიმე მიზეზის გამო დაუძლურებაში ჩავარდნის დროისათვის მუშების უზრუნველსყოფად სახელმწიფომ უნდა დააზღვიოს ისინი სპეციალური ფონდის ხარჯით, რომელიც უნდა შესდგეს ფაბრიკატზე განსაკუთრებულის გადასახადის დადებით.

44. აღიკრძალოს საშუალო ქირით ფულის მაგიერ საქონლის მიცემა; მუშებს ანგარიში ყოველ კვირაში უნდა გაუსწორონ და უსათუოდ საშუალო დროის განმავლობაში.

45. აღიკრძალოს კაპიტალისტებს საშუალო ქირიდან ფულის გამორიცხვა, რა მიზეზითაც, ან რა დანიშნულებისათვისაც და რა მოსაზრებითაც უნდა იყოს იგი გამოწვეული.

46. დაინიშნოს საკმაო რიცხვი საფარბო ინსპექტორების მრეწველობის სუფველა დარგებში; გაერცხვდეს მათი ზედამხედველობა როგორც სახაზინო, ისე ყველა იმ წარმოებაში, სადაც დაქირავებულ შრომას ხმარობენ. (შინაურ მოსამსახურეთა შრომაც ინსპექციის ზედამხედველობის წრეში შედის); მრეწველობის დარგში, სადაც უფრო ქალები მუშაობენ, ინსპექტორებად ქალები უნდა დაინიშნონ.

მუშებმა უნდა იყოლიონ, სახელმწიფო ჯამაგირით, თავიანთ მიერ არჩეულნი წარმომადგენლები, რომელნიც მონაწილეობას მიიღებენ: საფარბო კანონების შესრულების თვალყურის დევნაში, საქონლის ნაჭრობით დასამზადებელ საქონლის ჩაბრებაში.

47. დაევალოს ადგილობრივ თვითმმართველობას, მუშების მიერ არჩეულ პირებთან ერთად, თვალყური ადევნოს იმ სადგომების სანტარულ მდგომარეობას, რომელთაც კაპიტალისტები მუშებს საცხოვრებლად აძლევენ; მასვე უნდა დაევალოს, თვალყური ადევნოს იმ სადგომებში შინაურ წესიერებას და იმთ დაქირავების პირობებს, რომ მუშა, როგორც კერძო პირი და მოქალაქე თავისუფალი იყოს თავის შინაურ ცხოვრებასა და მოქმედებაში კაპიტალისტების ჩარევისაგან.

48. დაარსდეს წესიერად მოწყობილი სანტარული ზედამხედველობა მრეწველობის ყველა დარგებში, სადაც დაქირავებულ შრომას ხმარობენ; ამისათვის საჭიროა საეჭიბო და სასანიტარო ორგანიზაციის სრული დამოუკიდებლობა კაპიტალისტებისაგან. დაწესდეს უფასო წამლობა, მრეწველობის ხარჯით, ავადყოფობის დროს ჯამაგირის გამოურიცხველად.

### 33-ბათაბა გურული საქართველოს ახალი ისტორია (1801-1918) 33.392-398

# პოლიტიკურ ამბიციებს უეჭირული ქალაქის საათი



**ალიონი.** ქალაქ ოზურგეთში, სარკინიგზო სადგურის წინ მდებარე საათი რამდენიმე წელიწადია, ერთსა და იმავე დროს უჩვენებს, აქ დღესაც თერთმეტ საათამდე თოთხმეტი წუთია დარჩენილი.

ამბობენ, რომ ეს საათი პოლიტიკურ ამბიციებს შეეწირა, რომ წინისწინა ადგილობრივი ხელისუფლების მიერ ქალაქის გულისგულში დამონტაჟებული და შემდეგ, მავანთა მიერ

მწყობრიდან გამოყვანილი საათის შეკეთება წინა ადგილობრივი ხელისუფლების აღმასრულებელმა რგოლმა არ ისურვა.

კარგი იქნება, თუ ადგილობრივი ხელისუფლება ამ ტენდენციის მიმდევარი არ იქნება და ხსენებულ საათს – ქალაქის მაჯისცემის ერთგვარ განმსაზღვრელს ახალ სიცოცხლეს მიანიჭებს.

# იტალიური ვებტურენით ოზურგეთიდან ბახმაროში საჰაერო ტურები სრულდება



**ალიონი.** იტალიური წარმოების ნ-ადგილიანი ვებტურენით **4L-GWG** ოზურგეთიდან ბახმაროში საჰაერო ტურები სრულდება.

საჰაერო მიმოსვლა ძალიან მნიშვნელოვანია გურიის მხარის ზამთრის კურორტებისთვის (ბახმარო, გომისმთა), სადაც ზამთრობით ტრანსპორტით გადაადგილება ძნელდება.

2014 წელს სამთო სათხილამურო კომპანია „Mountain“ კურორტ ბახმაროში სასტუმრო კომპლექსის აშენებას გეგმავდა. ჩეხები აქ კოტეჯებს ქირაობდნენ, შემოიყვანეს სათანადო ტექნიკა და ზამთრის სეზონზე უცხოელ მოყვარულ სამთომოთხილამურეებს მასპინძლობდნენ.

ჩეხების გარდა ბახმაროს ზამთრის პოტენციალით გერმანელებიც დაინტერესდნენ და გარკვეული კონკურენციაც გაჩნდა

ჩეხებსა და გერმანელებს შორის.

2 წლის წინ, მდინარე ბახვისწყლის ხეობასთან ახლოს, გერმანელმა ინვესტორმა ახალი სასტუმრო ააგო. გერმანელებს შესაბამისი ტექნიკაც ჰყავთ.

ამჟამად სასტუმრო „პიონერში“, რომელსაც კეთილმოწყობილი ქოხიც გააჩნია გურია-აჭარის საზღვარზე, რამდენიმე ათეული უცხოელი ტურისტია ჩამოსული ამერიკიდან, კანადიდან, ავსტრალიიდან და ევროპის რამდენიმე ქვეყნიდან.

იტალიური წარმოების **AGUSTA A-109K2**-ს ვებტურენი საკმაოდ კომფორტულია. მას ოზურგეთის მუნიციპალიტეტის სოფელ ლიხაურის დასაწყისში მოწყობილ მცირე აეროდრომიდან გადაჰყავს უცხოელი და ქართველი ტურისტები კურორტ ბახმაროში.

# რეზო თედორაძე – 89

ფელტაგთ გურთის კოლოტიცს, საზოგადო მოღვაწეს, ღირსებისა და საპატიო ნიშნის ორდენების კავალერს, საქართველოს კულტურის დამსახურებულ მიშაკს, თაზისის საერთო-სამეცნიერო აკადემიის ვიცე პრეზიდენტს, მაცონ რეზო თედორაძეს დამადების 89 წლისთავს. გაზოთ „ალიონის“ ბედაცია



# უვიდი მედალი მელეოსნებისბან!!!

19-20 თებერვალს იოსელიანის სახელობის მძლეოსნობის სასახლე და ახალი დიდის კომპლექსის მძლეოსნობის სათადარიგო სტადიონმა ( არენამ) საქართველოს ზამთრის ღია ეროვნულ ჩემპიონატს უმასპინძლა.

ჩემპიონატში საქართველოს ნაკრებ გუნდებთან ერთად სომეხი და რუსი მძლეოსნებიც იღებდნენ მონაწილეობას.

შეჯიბრებაში ოზურგეთის მუნიციპალიტეტის სპორტულ - გამაჯანსაღებელ დაწესებულებათა გაერთიანებასთან არსებულმა მძლეოსანთა სექციის სპორტსმენებმა წარმატებით იასპარეზეს და საერთო ჯამში შინ ორი ოქრო, ოთხი ვერცხლი და ერთი ბრინჯაო წამოიღეს.

საქართველოს ჩემპიონის ტიტული და ორი ოქრო საქართველოს ნაკრების წევრმა **სოფიკო შათირიშვილმა** მოიპოვა. ( ბირთვის კვრა 4 კგ და ბადროს ტყორცნა) (მწვრთნელები : დ. მანთიძე, მ. კოტრიკაძე)

ასპარეზობაზე ორი ვერცხლის მედლები **გოგა ჭიხვარია** გახდა. ( 7კგ უროსა და 2კგ ბადროს ტყორცნაში) ( მწვრთნელები : გ. ბელაშვილი, მ. კოტრიკაძე)

ასევე მეორე ადგილზე გავიდა **ქეთევან მამალაძე** . მან 1კგ ბადროს ტყორცნაში აიღო ვერცხლის მედალი ( მწვრთნელები დ. მანთიძე, მ. კოტრიკაძე)

შინ ვერცხლის მედალი **ლუკა ჯაფარიძემაც** წამოიღო. ლუკა შუბის ტყორცნაში გახდა მეორე ადგილის მედლებელი. ( მწვრთნელი მ. კოტრიკაძე)

**მიშიკო მასხარაძე** კი მესამე ადგილსა და ბრინჯაოს დასჯერდა. მასხარაძემ სამხტომში იასპარეზა.( მწვრთნელი მ . კოტრიკაძე)

აქვე უნდა აღინიშნოს, რომ ოზურგეთელი **სოფიკო შათირიშვილი** 5 მარტს ბალკანეთის ქვეყნების ჩემპიონატზე იასპარეზებს. ხოლო 15 მარტს ევროპის თასზე - ტყორცნებში, პორტუგალიაში გაემგზავრება, საქართველოს ნაკრების მწვრთნელთან დავით მანთიძესთან ერთად.



# 7 დღის ამინდის პროგნოზი

<p>მზე, ღრუბელი +9+19</p> <p>24 თებერვალი ხუთშაბათი</p>	<p>ღრუბელი +7+16</p> <p>25 თებერვალი პარასკევი</p>	<p>წვიმა +5+9</p> <p>26 თებერვალი შაბათი</p>	<p>მზე, ღრუბელი +4+11</p> <p>27 თებერვალი კვირა</p>	<p>ღრუბელი +6+15</p> <p>28 თებერვალი ორშაბათი</p>	<p>ღრუბელი +5+15</p> <p>1 მარტი სამშაბათი</p>	<p>კლიერი წვიმა +3+11</p> <p>2 მარტი ოთხშაბათი</p>
---	--	--	---	---	---	--